

**Β. Ι. ΛΕΝΙΝ**  
**Ι. Β. ΣΤΑΛΙΝ**

**ΓΙΑ ΤΟ ΚΟΜΣΟΜΟΛ**



ΑΚΑΔΗΜΙΑ

**„ΚΟΜΥΝΙΣΤΙΣ“ 3**

**1933**

## ΠΕΡΙΕΧΟΜΕΝΑ

### Β. Ι. ΛΕΝΙΝ

#### ΤΑ ΠΡΟΒΛΗΜΑΤΑ ΤΙ ΚΟΜΣΟΜΟΛΙ

3

Χωρίς μαθίσιν κεν κομμουνισμός.  
Ντο πρεπ να μαθανόμε;  
Το παλεον το σχολιον.  
Ι διδασκαλία τι Μαρξ.  
Το προλεταρικον ι κουλτορα.  
Κριτικά πρεπ να χονεβομε τα φακτιά.  
Σινιδιτον πιθαρχια.  
Το νικοκίριακον χτισιμον.  
Το χτισιμον τι κομμουνιστικυ κινονιας.  
Το κομμουνιστικον ι ιδιχι.  
Το τακτικον ο αγονας.  
Το ενςτικτον τι ιδιοχτισιας.  
Ο αγονας εναντιον ει εκμεταλεφτας.  
Το κομμουνιστικον ο Σινδεζμον τι νεολεας.  
Ντο σιμεν κομμουνιστις.  
Το κομμουνιστικον ι δουλια.  
Ντο υποχρεοσια εχνε τα μελι τι Σινδεζμου τι νεολεας.  
Το μελον ανιχι σιν νεολεαν.

### Ι. Β. ΣΤΑΛΙΝ

#### Ι. ΣΟ ΛΕΝΙΝΙΣΤΙΚΟΝ ΤΟ ΚΟΜΣΟΜΟΛ 28

Ο χερετιζμοσат σο λενινιστικον το κομςομολ σο 10-ον  
τιν χρονιαναθε σα 27 Οχτοβριυ 1928.

#### ΙΙ. ΓΙΑ ΤΟ ΚΟΜΣΟΜΟΛΙΚΟΝ ΤΑΚΤΙΒ ΣΟ ΧΟΡΙΟΝ 29

Ο λογοσат σιν σινεδριασιν τι Οργκπυρο τι ΚΚ τι ΡΚΠ  
σα 6 τι απριλ 1925.

#### ΙΙΙ Ο ΛΟΓΟΣΑΤ ΣΟ 5-ον ΠΑΝΣΙΔΕΖΜΙΚΟΝ ΤΙΝ ΚΟΝΦΕΡΕΝΤΣΙΑΝ ΤΙ ΚΟΜΣΟΜΟΛΙ ΣΑ 29 ΤΙ ΜΑΡΤ 1927 36

#### ΙV. Ο ΛΟΓΟΣΑΤ ΣΟ 8-ον ΠΑΝΣΙΝΔΕΖΜΙΚΟΝ ΣΙ- ΝΕΔΡΙΟΝ ΤΙ ΚΟΜΣΟΜΟΛΙ ΣΑ 16 ΜΑΙΥ 1928 45

#### V. ΑΣΟΝ ΛΟΓΟΝΑΤ ΣΟ ΠΑΝΣΙΔΕΖΜΙΚΟΝ ΣΙΝΕ- ΔΡΙΟΝ ΤΙ ΚΟΛΧΟΖΝΙΚΙΟΝ — ΥΤΑΡΝΙΚΙΟΝ 56

Β. Ι. ΛΕΝΙΝ

κ3

Ι. Β. ΣΤΑΛΙΝ

# ΓΙΑ ΤΟ ΚΟΜΣΟΜΟΛ



Μεταφράσι Θ. ΤΟΜΠΥΛΟΒ

ΑΚΑΔΑΚΑΔΗΜΙΑ

ΒΙΒΛΙΟΘΗΚΗ  
ΑΚΑΔΗΜΙΑΣ  
ΑΘΗΝΩΝ  
1935/5731  
12 MAR. 1959

1933

Ροστόβ-Τον

ΕΚΔΟΤΙΚΟΝ „ΚΟΜΥΝΙΣΤΙΣ“

В. И. ЛЕНИН

и

И. В. СТАЛИН

# О КОМСОМОЛЕ



Перевод Ф. ТОМБУЛОВА

1933

Ростов-Дон

ИЗДАТЕЛЬСТВО «КОММУНИСТ»

## ΤΑ ΠΡΟΒΛΗΜΑΤΑ ΤΙ ΚΟΜΣΟΜΟΛΙ

### Ο ΛΟΓΟΣΑΤ ΣΟ 3 ΠΑΝΡΟΣΙΚΟΝ ΣΙΝΕΔΡΙΟΝ ΤΙ ΚΟΜΣΟΜΟΛΙ

Σιντροφι, εγώ θα εθελνα οσιμερον να ομιλانا απαν  
σαικον θεμαν: ντοισα ινε τα βασικα προβληματα τι Σινδεζμυ  
τι κομουνιστικυ νεολεας κε σχετικα με τατο — ντοισα πρεπ  
να ινε τα οργανοσια τι νεολεας σο σοσιαλιστικον τιν ρεσπυ-  
πλικαν γενικα.

Απαν σατα τα ζιτιματα ιλιαλ-ιλιαμ πρεπ να σταματυ-  
με γιατι ασεναν το μερος επορουμε να λεγομε, οτι ισα-ισα σιν

1) Το III-ον Πανροσικον Σινεδριον τι Κομσομολι εγεντον σιν Μοσ-  
χανασα 2 σς 10 οχτοβριυ 1920. Σιν ιμερισιαν διατακσιν τι Σινεδριυ  
εστεχαν τα ακολουθα ζιτιματα: 1). Το πολεμικον κε το νικοκιριακον  
ι καταστασι τι ρεσπυπλικας, 2). Το Κομουνιστικον Ιντερνατσιοναλ τι  
νεολεας, 3). Ο απολογιζμον τι Κεντρικυ Κομιτετι, 4). Το σοσιαλι-  
στικον ι διαπεδαγογισι τι νεολεας, 5). Το προγραμαν κε το καταστικον  
τι Κομσομολι. Τοχλατζικι εσαν ι σιντροφ: Ν. Ι. Πυχارين, Δ. Σσα-  
τσικιν, Ο. Ριβκιν κ.α.

Ο Β. Ι. Λενιν επροφερεν αυτο το λογονατ σο προτον τιν σινε-  
δριασιν τι Σινεδριυ 2 οχτοβριυ απο το βραδον, οντες τα μελι τι Σι-  
νεδριυ εδοκανατον πολα γραφτα σιμιοσια. Τα απαντισια τι Β. Ι. Λε-  
νιν σατα τα σιμιοσια σα προτοχολα τι Σινεδριυ κεγραφαν.

νεολεαν εμπροστα σιεκ πραγματικον προβλημα — να διμιουργα κομμουνιστικον κινονιαν. Γιατι φανερων εν προς ι γενεα τι δουλεφταδιον, πυ αναθρεφτεν σο καπιταλιστικον τιν κινονιαν αςολεν σο καλιον σιν περιπτωσιν επορι να λιν το προβλημα τι εκμιδενισις τι βασιον τι παλεφ καπιταλιστικφ ζισις, ντο εχτιεν απαν σιν εκμεταλεψιν. Ατο αςολεν σο καλιον σιν περιπτωσιν θα επορι να λιν τα προβλιματα τι διμιουργας αικυ κινονικφ κιτικσι, το οπιον να βοιθα το προλεταριατ κε τα εργαζομενα ταχσια να κρατυν τιν εκςυσιαν σα ςςεριατυν κε να διμιουργυν σταθερον θεμελιον, οφυ απαν επορι να χτιζ μονον ι γενεα, πυ εμπεν σιν δουλια υζζε σα νεα υςλοδιας, ςαικον οπςτανοδ-καν, οντες κιν εκμεταλεφτικα ςχεςια αναμεσα ςανθρωπς.

---

## ΧΟΡΙΣ ΜΑΘΙΣΙΝ — ΚΕΝ ΚΟΜΥΝΙΖΜΟΣ

Κε αχα, αςφ περο αςατο τιν αποψιν σο ζιτιμιαν για τα προβλιματα τι νεολεας, εγο πρεπ να λεγο, οτι ατα τα προβλιματα τι νεολεας γενικα κε τι Σινδεζμον τι κομμουνιστικφ νεολεας κε καθε αλυ ιδφς οργανοσιον ιδιετερα επορναμε να εκφραζαματα με εναν λογον: το προβλημα κρατι σο εκσις — να μαθανομε.

Ενοιτε, ατο εν μονον „εναν λεξι“. Ατο ακομαν κι δι απαντισιν σα κριωτερα κε αςολεν τα υςιοδικα ζιτιματα — ντο να μαθανομε κε πος να μαθανομε; Κε αδαχα ολεν ι δουλια κρατι σο εκσις, οτι ενταμαν με τιν μεταμορφωσιν τι παλεφ καπιταλιστικφ κινονιας, ι μαθισι, ι διαπεδαγωγις κε ι μορφωσι τι νεον γενεον πυ θα διμιουργυνε το κομμουνιστικον τιν κινονιαν, κεπορυν να ινε παλεα. Ι μαθισι, ι διαπεδαγωγις κε ι μορφωσι τι νεολεας πρεπ να εδγενε αςεκινο το ιλικον, το οπιον επεμνεμας αςο παλεον τιν κινονιαν. Εμς επορυμε να χτιζομε τον κομμυνιζμον μονον αςεκινο το αδριζμαν τι γνωσιον, τοργανοσιον κε τι καθιδριματιον, με τεκίνο το ζαπας τα ανθρωπινα δυναμια κε μεσα, τα οπια επεμνανεμας αςο

παλεον τιν κινονιαν. Μονον ας μεταμορφονομε ριζικα το εργον τι μαθιςις, τιν οργανοσιν κε τιν διαπεδαγογισιν τι νεολεας, εμς επορυμε να κατορθονομε, οστε τα προσπαθιας τι νευ γενεας να εχνε αποτελεζμαν τιν διμιουργιαν κινονιας, πυ κι θα ομιαζ το παλεον διλαδι, κομυνιστικυ κινονιας. Για τατο εμς πρεπ λεπτομεριακα να σταματυμε σο ζιτιμαν — ντο πρεπ να μαθανομε εμς κε πος πρεπ να μαθαν ι νεολεα, εαν ατο θελ πραγματικα να δικεολογα τιν ονομασιαν τι κομυνιστικυ νεολεας, κε πος πρεπ να προετιμαζοματο για να επορι κε τελεν το χτισιμον, να συμπλιρον εκινο, το οπιον ερχινεσαμε εμς.

---

## ΝΤΟ ΠΡΕΠ ΝΑ ΜΑΘΑΝΟΜΕ

Εγο πρεπ να λεγο, οτι προτον κε, ος φενετε, ας ολεν φυσικον απαντισι εν εκινο, οτι ο Σινδεζμον τι νεολεας κε ολεν ι νεολεα γενικα, πυ θελ να περαν σον κομυνιζμον, πρεπ να μαθαν τον κομυνιζμον.

Αλα ατο ι απαντισι — «να μαθανομε τον κομυνιζμον» — πολα γενικον εν. Ντο χριαςκετε για να μαθανομε τον κομυνιζμον; Ντο πρεπ να χοριζομε αςο ποσον τι γενικον γνωσηον, για ναποχτυμε τιν γνωσηον τι κομυνιζμυ; Αδακα βαλνεμας σον κινδινον πολα φοβυς, τα οπια σιχνα φενταν σο μειταν, οταν το προβλιμαν — να μαθανομε τον κομυνιζμον — κι βαλκετε ορθα, ιτε οταν ατο εγρικιετε με το παραπαν μονοπλεδρα.

Φισικα, αςο προτον τιν αποψιν, ερταν σο κιφαλ ιδεας, οτι να μαθανομε τον κομυνιζμον σιμεν — να χονεβομε εκινο το ποσον τι γνωσηον, το οπιον απεδοχτεν σα κομυνιστικα τα διβλια, σα προσκυρας κε τα εργα. Αλα ακον καθοριζμο; τι μαθιςις τι κομυνιζμυ θα ετον με το παραπαν χοντροκομενον κε οχι οσον χριαςκετε. Εαν ι μαθιςι τι κομυνιζμυ θα εκρανεν μονον σο χονεμαν εκινυ τι ιλις, πυ εν γραμενον σα κομυνι-

στιχα τα εργα, τα βιβλια κε τα προσυρας, ατοτε ειμς πολα εφκολα θα επιναμε κομμουνιστικος ανθρωπος, πυ θα εκσεραν μοναχον να εδεβαζαν βιβλια, κε κυρφεφτζιαντας, κε ατο σολια κες θα εφερνεμας βλαβιν κε εμποδιον, γιατι ατιν ι ανθρωπ, αφυ εμαθαν κε εδεβασαν οτι ιν γραμενα εα κομμουνιστικα τα βιβλια κε τα προσυρας, θα εσαν αικ, πυ κι θα επορναν να ενοναν ολια ατα τα γνωση κε κι θα επορναν να εδυλεβαν αετς, οπος πραγματικα απετιατο ο κομμουνιζμον.

Εναν αςολεν αςα μεγαλα τα κακυργιματα κε διςτιχιας, πυ επερνανεμας αςο παλεον το καπιταλιστικον τιν κινονιαν, εν το ολοκληροτικον διασπαζμαν τι βιβλιω αςιν πραχτικιν τι ζοις, γιατι ειμς ιχαμε βιβλια, πυ ολια εσαν γραμενα τζιπ καλα, κε ατα τα βιβλια εα περισοτερα περιπτωσια εσαν αςολεν το αποκρυστικον κε ιποκριτικον πσεμαν, το οπιον πσεφτικα εξογραφιζεμας το κομμουνιστικον τιν κινονιαν. Για τατο θα ετον σε ανοτερον βαθμον λαθος το να χονεβ κανις απλα αςο βιβλιον απαν εκινο, το οπιον γραφετε εα βιβλια για τον κομμουνιζμον. Ατορα εα αρθραμυν κεν τιδεν ομιον με τεκινο, πυ ελεχχυτον σιφτιαν για τον κομμουνιζμον, γιατι ατο ι περιγραφι εν σινδεδεμενον με το καθιμερνον τιν δουλιαν, με τιν δουλιαν σολια τα μερια. Χορις δουλιαν, χορις αγοναν, ι γνωση τι κομμουνιζμω αποπαν αςα κομμουνιστικα τα προσυρας κε αςα εργα, τιδεν κιακσιζ, γιατι ατο θα εκσακλυθανεν το παλεον τιν διασπασιν αναμεσα σιν θεωριαν κε τιν πραχτικιν, εκινο το παλεον τιν διασπασιν, το οπιον ετον αςολεν το αποκρυστικον το χαραχτιριστικον γγνωριζμαν τι παλευ πυρτζυαζικω κινονιας.

Κιαλο επικινδινον θα ετον, εαν ειμς θα ερχινοναμε να μαθανομε μονον τα κομμουνιστικα σινθιματα. Εαν ειμς με τον κερων ατο τον κινδινον κι θα εγρικαναματο, κε εαν ειμς ολεν τιν δουλιανεμυν κι θα εκλοθαματο εο να ελεφθερυμες αςατο τον κινδινον, ατοτες ι διμιουργια μισυ εκατομιριυ, ιτε εκατομιριυ ανθρωπιον, νεον πεδιον κε χοριτςιον, ι οπιι ιστερα αςαιχον

μαθίσιν τι κομμουνισμό θα ονομαζνε τον εαφτονατον κομμουνιστες, θα εφερνεν τρανον δλαβιν για το εργον τι κομμουνισμού.

---

## ΤΟ ΠΑΛΕΟΝ ΤΟ ΣΧΟΛΙΟΝ

Αδαχα, εμπροσταμυν εμπεν το ζιτιμαν — πος πρεπ να εινδιαζομε ολια ατα, για να μαθανομε τον κομμουνισμό; Ντο πρεπ να περομε ασο παλεον το σχολιον, ασο παλεον τιν επιστιμιν; Το παλεον το σχολιον εδilonεν, οτι ατο θελ να διμιουργα ανθρωπον, αςολια τα μεροθες μορφομενον, οτι ατο μαθιζ τα επιστιμας γενικα. Εμεις εκσερομε, οτι ατο ετον περαν-περυ πσεμαν, γιατι ολεν ι κινονια ετον βασιζμενον κε εκρατνεν σο διαμιραζμαν τανθρωπιον σε τακσια, σε εκμεταλεφτας κε καταπιεζομενους. Φιςικα ολεν το παλεον το σχολιον, αςυ ετον ολοκληροτικα εμποτιζμενον με το τακσιχον το πνεβμαν, εδινεν γνοςια μονον εα πεδια τι πυρζζυαζιας. Το καθα εναν ι λεκσιαθε εδυλεφκυτον για τα ειφεροντα τι πυρζζυαζιας. Σατα τα σχολια το νεον τιν γενεαν τεργατιον κε τι χορετιον οχι ατοσον ανεθρεβανατο, οσον ετζοχανιζανατο για τα ειφεροντα τατινεθι τι ιδιω τι πυρζζυαζιας. Αναθρεβανατς αετς, για να εδιμιουργαναν για τατεν οφελιμυς δυλυς, πυ να εσαν ικανι να εδινανατεν κερδος κε ενταμαν με τατο να μι επιραζαν τιν ισιχιαν κε ταβαλαυκνατς. Για τατο, αςυ ερνεθαμε το παλεον το σχολιον, εμεις εβαλαμε εμπροσταμυν προβλιμαν — να περομε απατο μονον εκινο, το οπιον χριαςς-χστεμας για να κατορθονομε καθεσφτυ κομμουνιστικον μορφοσιν.

Αδαχα εγο πλειςιαζο σεκινα τα μομφας (ναρεχανιε), σεκινα τα κατιγοριας τι παλευ τι σχολι, τα οπια παντοτινα ακυοματα, κε τα οπια φερνε σε ολοεδιολυ λανθαζμενον εκσιγισιν. Λεγνε πος το παλεον το σχολιον ετονε σχολιον μαθισις, σχολιον γιμναζματι, σχολιον παπαγαλιζμυ. Ατο εςοτον εν, αλομος πρεπ να διακρινομε ντο ετον για μας σο παλεον το σχολιον αςςχεμον κε ντο ετον οφελιμον, κε πρεπ

να επορευμε να διαλεγουμε επεκιαπες εκινο, το οπιον εν χρια-  
ζυμενον για τον κομουνιζμον.

Το παλεον το σχολιον ετον σχολιον μαθισης, ατο αναν-  
καζεν τανθρωπος να εγρικαναν πολα αχριστα, περιτα, αποθα-  
μενα γνωση, τα οπια εγομοναν το κιφαλ κε εμετετρεπαν το  
νεον τιν γενεαν σε τζινοβνικυς χτιζμεντς με εναν καλυπ.  
Αλα εσις θα επινετε τρανον λαθος, εαν θα εδοκιμαζετεν να  
επινετεν αικον συμπεραζμαν, οτι επορευμε να γινυμες κομυ-  
νιστε αν κι θα χονεβομε εκινο, πυ εκυμυλιαεν ασανθρωπινον  
τιν γνωση. Θα ετον λαθος να ενυνιζαμε αετς, οτι εφταν να εγρι-  
χυμε τα κομουνιστικα σινθιματα, τα συμπεραζματα τι κομουνιστικυ  
επιστιμις, χωρις να χονεβομε εκινο το ποσον τα γνωση, πυ αποτε-  
λεζμανατυν εν το ιδιον ο κομουνιζμον. Παραδιγμαν τεκινεθι, πος  
εφανεροθεν ο κομουνιζμον ασο ποσον τι ανθρωπινον γνωση, εν ο  
μαρκσιζμον.

## Ι ΔΙΔΑΣΚΑΛΙΑ ΤΙ ΜΑΡΚΣ

Εσις εδεβασετεν κε εκσετεν, πος το κομουνιστικον ι  
θεωρια, το κομουνιστικον ι επιστιμι, πυ εδιμιουργεθεν κιριος  
ασον Μαρκς, πος ατο ι διδασκαλια τι μαρκσιζμου επαπσεν να  
εν εργον ινος, εστο κε μεγαλοφι σοσιαλιστι τι 19-υ εονα,  
πος ατο ι διδασκαλια εγεντον διδασκαλια εκατομιριον κε δεκα-  
δες εκατομιριον προλεταριον σολεν τον κοζμον, πυ μεταχιρι-  
σκυνταν ατο τιν διδασκαλιαν σον αγοναυατυν εναντιον σον  
καπιταλιζμον. Κε εαν εσις θα διτεν αικον ερωτισιν: γιατι ι  
διδασκαλια τι Μαρκς επορεσεν να καταχτα εκατομιρια κε  
δεκαδες εκατομιρια καρδιας ασολεν τεπαναστατικυ τι τακσις,  
εσις εποριτε να περετεν εναν απαντισιν: ατο εγεντον, επιδι  
ο Μαρκς εβασισχυτον σε σταθερον θεμελιον ανθρωπινα γνωση,  
πυ εκαταχτεθαν σον κερων τι καπιταλιζμου. Ασυ εσπυδασεν  
τα νομυς τι αναπτικσις τι ανθρωπινυ κινονιας, ο Μαρκς εγρι-  
κσεν, πος εν αναποφεφχτον ι αναπτικσι τι καπιταλιζμου, πυ

οδὶγα ζον κομυνίζμον, κε το κηριοτερον ἄτος απεδίκσενατο  
μονον με βαριν αζολεν το ακριβεστατον, αζολεν το λεπτομε-  
ριακον, αζολεν το θαθιν τιν μαθισιν τατινεθι τι καπιταλιστικη  
κινωνιας. αζυ εχονεπρεν σινεντελιαν ολεν εκينو, ντεδοκεν το  
προιγουμενον ι επιστιμη. Ολεν εκينو, ντεδιμιουργεθεν αζανθρω-  
πινον τιν κινωνιαν, ατος επεκσεργαστενατο κριτικα κε κεφι-  
κεν χωρις προσοχιν υτε εναν πυνηκτ. Ολεν εκينو, το οπιον  
εδιμιουργεθεν αζο ανθρωπινον τιν σκεπσιν, ατος επεκσεργαστε-  
νατο, επικενατο κριτικιν, αζυ εκσετασενατο σεργατικον τιν  
κινισιν κε εβγαλεν εκινα τα σιμπεραζματα, τα οπια κεπορ-  
ναν να εβγαλνε ι ανθρωπ, πυ εζαν περιοριζμεν με πυρζζυα-  
ζικα ραμκας, γιαχοτ ενομεν με πυρζζυαζικα προλιπσια.

---

## ΤΟ ΠΡΟΛΕΤΑΡΙΚΟΝ Ι ΚΥΛΤΥΡΑ

Ατο πρεπ να εχοματο ιποπσιν, οντες емис λ. χ. εφτα-  
με ομιλιας για το προλεταρικον τιν κυλτυραν. Χωρις καθαπα  
να εγρικυμε, οτι μονον οταν νιχυ-τριχυ θα εκσερομε τιν  
κυλτυραν ντεδιμιουργικεν ολεν ι αναπτικσι τι ανθρωποτιτας,  
μονον οταν θα επεκσεργασκυμεζατο, επορυμε να χτιζομε  
προλεταρικον κυλτυραν — χωρις αικον εγρικεμαν емис ατο το  
προβλιμαν να λινοματο κεπορυμε. Το προλεταρικον ι κυλту-  
ρα κεν αικον, το οπιον ελανκεπρεν σιν μεζεζ απο καπιον  
αγνωστον μερος, κεν φαντασια ανθρωπιον, πυ ονομαζε τον  
εαφτονατυν σπετσιαλιστε για το προλεταρικον τιν κυλτυραν.  
Ατο, αμον ντο στεκ, εν ανοικια. Το προλεταρικον ι κυλтуpa  
πρεπ να εν κανονικον αναπτικσι τεκινεθι τι ζαπασι τα γνο-  
σια, πυ ι ανθρωποτιτα επεκσεργαστεναια αφκα αζον ζιγον τι  
καπιταλιστικη κινωνιας, τι πομεσσικικη κινωνιας, τι κινωνιας τι  
τζινοδνικιον. Ολια ατα τα δρομια κε τα στρατοπα εφερνανε  
κε φερνε, κε εκσακολουθун να φερνε ζο προλεταρικον τιν διχ-  
τατοριαν αραετς, επος κε το πολιτικον ι ικονομια, το οπιον  
εμετεπεκσεργαστεν ο Μαρκς, εδικσεμας πυ πρεп να εрте

τανθρωπινον ι κινονια, εδixεν το παραζμαν ζον τακτικον  
αγοναν, ζιν αρχιν τι προλεταρικυ ρεβολιυτςιας.

---

## ΚΡΙΤΙΚΑ ΠΡΕΠ ΝΑ ΧΟΝΕΒΟΜΕ ΤΑ ΦΑΚΤΙΑ

Οντες εμς ακυομε, πολα φορας κε αναμεζα ζαντιπροζοπος τι  
νεολεας πα, κε αναμεζα ζε μερικυς ιπεραςπιστας τι νευ μορφο-  
ζς, επιθεζιν απαν ζο παλεον το ζκολιον, οτι το παλεον το  
ζκολιον ετον ζκολιον παπαγαλιζμυ, εμς λεγομας, πος πρεπ να  
περομε εκινο το καλον, το οπιον ετον ζο παλεον το ζκολιον  
Εμς κι πρεπ να περομε αζο παλεον το ζκολιον εκινο, οντες  
τιν μνιμιν τι νευ ανθρωπυ εγομοναζατο με αμετριτον ποζον  
γνοζια κατα ενζα δεκατα αχριςτα κε κατα εναν δεκατον παραμορ-  
φομενα, αλα ατο κι ζιμεν, οτι εμς επορυμε να περιοριζκυ-  
μες με τα κομυνιςτικα τα ζιμπεραζματα κε να μαθανομε μονον  
κομυνιςτικα ζινηματα. Με τατο κομυνιζμον κι διμιυργιας.  
Κομυνιςτις επορις να γινεζε μονον ατοτες, οταν θα πλυτενς  
τιν μνιμις με γνοζια αζολια εκινα τα πλυτι, τα οπια επε-  
κζεργαζτεν ι ανθρωποτιτα.

Εμας κι χριαςζκετεμας μαθιζι με παπαγαλιζμον, εμς  
πρεπ να αναπτιζομε κε να τελιοπιυμε τιν μνιμιν καθε μαθι-  
τι με γνοζια για τα βαζικα φακτια, γιατι ο κομυνιζμον θα  
γινετε εφκερον πρζμαν, θα γινετε εφκερον διβεζκαν, ο κο-  
μυνιςτις θα εν μονον απλος κυρφεφτζεας, εαν κι θα επεκζερ-  
γαζκυνταν ζιν ζινιδιζινατ ολια τα γνοζια ντο απεχτιζεν. Εζις  
πρεπ οχι μονον να χονεβετιατα, αλα να χονεβετιατα αες,  
οzte να φερκυςτον ζατα κριτικα, για να μι γομονετε τον  
νυνεζυν με εκινο το χλαμ, πυ κεν χριζιμον, αλα να πλυτε-  
νετιατο με γνοζια για ολια τα φακτια, χωρις τα οπια κεπορι  
να εν ζιγχρονος μορφομενος ανθρωπος. Εζανο κομυνιςτις θα  
ενυνιζεν να εκυρφεφκυτον με τον κομυνιζμον με βαζιν τα  
ετιμα τα ζιμπεραζματα πυ επερεν, χωρις να εφται πολα ζο-  
βαρον, πολα διζκολον, πολα τρανον δυλιαν, χωρις να εκζεταζ

κε να ενοα τα φακτια, σα οπια ατος εν υποχρεος να φερκε-  
τε κριτικα, αιχος κομουνιστις θα ετον πολα ακσιολιπιτος. Αιχον  
επιπολεσοιτα θα ετον πολα καταστροφικον. Ειαν εγο εκσερο  
οτι εκσερο ολιγα, εγο θα κατορθονο να μαθανο παραπαν αλα  
εαν ο ανθρωπον θα λει, πως εν κομουνιστις κε, οτι ατος κι  
χριαςκετε τιθεν να μαθαν σταθερον, ατοτες ασατον κι θα  
εβγεν τιποτε, πυ να εν ομιον με κομουνιστιν.

---

## ΣΙΝΙΔΙΤΟΝ ΠΙΘΑΡΧΙΑ

Το παλεον το σχολιον επεκσεργασκυτον ιπιρετας, ι οπκι  
εχριαςκυταν για τι καπιταλιστας, το παλεον το σχολιον ασαν-  
θρωπος τεπιστιμις επινεν ανθρωπος, ι οπκι επρεπεν να εγραφαν  
κε να ελεγαν οπος ειφερνεν τι καπιταλιστας. Ατο σιμεν,  
οτι ειμς πρεπ να πακλαεβοματο. Αλα εαν ειμς πρεπ να πα-  
κλαεβοματο, εαν ειμς πρεπ να χαλανοματο, σιμεν-μι ατα, οτι  
ειμς κι πρεπ να περομε απατο ολεν εκινο το χριαζουμενον  
για τανθρωπος, ντεστιδακσεν ι ανθρωποσιτα; Σιμεν-μι, οτι ειμς  
κι πρεπ να εγρικυμε κε χοριζομε εκινο, το οπιον ετον χρικι-  
μον για τον καπιταλιζμον κε το οπιον εν χρικιμον για τον  
κομουνιζμον;

Σο μερος τι παλευ γιμναζματι, το οπιον εφαρμοςκυτον  
σο πυρζζυαζικον τιν κινονιαν απεναντι σιν θελisiin τι πλιονο-  
πισφιας, ειμς βαλομε το σινιδιτον τιν πιθαρχιαν τεργατιον κε  
τι χορετιον, ι οπκι ενονε με το μισος σο παλεον τιν κινονιαν  
τιν αποφασιστικοιταν, τιν δεκσιοιταν κε τιν προθυμιαν να  
ενονε κε να οργανονε τα δυναμια για τατον τον αγοναν, για  
να διμιουργιετε ενιεον θελisiin ασιν θελisiin τι εκατομριον κε  
εκατονταδες εκατομριον μιραγμενον, διασκορπιμενον κε χομα-  
τιαζμενον σε διασταςιν μεγαλυ μεμλεκετι, γιατι χορις ατο το  
ενιεον τιν θελisiin, ειμς θα κατατσακυμες αναποφεφχτα. Χο-  
ρις ατο τιν σιμπικνοσιν, χορις ατο το σινιδιτον τιν πιθαρχιαν  
τεργατιον κε τι χορετιον, το εργονεμυ εν χορις ομυτια.

Χορίς ατο να νικουμε τι καπιταλιστας κε τι πομεσσιχους ολεν τι κοζμι ειμς κεπορουμε. Εμς κι θα στερεονομε ακομαν κε το τεμελ, χορίς να αναφερομε, οτι ατυπαν σο τεμελ θα χτιζομε νεον κομουνιστικον κινονιαν. Τα ιδια κε σιν αρνισιν τι παλευ τι σχολι, ασολεν σο νομιμον κε σο χριαζουμενον μισος σατο το παλεον το σχολιον, σατο τιν προθυμιαν να χαλανομε το παλεον το σχολιον, ειμς πρεπ να εγρικουμε, οτι σο μερος τατινεθι τι παλευ τι μαθιςις, τι παλευ τι παπαγαλιζμυ, τι παλευ τι γιμναζματι, ειμς πρεπ να βαλομε τιν δεκσιοτιταν να περομε ολεν το ποσον τα ανθρωπινα γνωση, κε να περοματα αετς, οστε ο κομουνιζμον να μι εν σεμας κατ'αικον, το οπιον εμαθεθεν, αλα να εν αικον το οπιον ενυντσετεν εις ι ιδιι, να εν εκινα τα σιμπεραζματα, τα απια ινε αναποφερχτα ασιν αποπειν τι σινχρονον μορφωσις.

---

## ΤΟ ΝΙΚΟΚΙΡΙΑΚΟΝ ΧΤΙΣΙΜΟΝ

Αχα πως πρεπ να βαλομε τα βασικα ζιτιματα, οντες λεγομε για το προβλιμαν — να μαθανομε τον κομουνιζμον.

Για να εγρικατιατο καλα, αςυ συμονετεν σο ζιτιμαν πως να μαθανετεν, εγω θα φερο πραχτικον παραδιγμαν. Εις αλ εκσερετε, οτι εμπροσταμυν, αμαν, ιστερα ασα προβλιματα τα πολεμικα, τα προβλιματα τι ιπερασπισις τι ρεσπουπλικας, εμπεν το προβλιμαν το νικοκιριακον. Εμς εκσερομε, οτι κομουνιστικον κινονιαν κεπορουμε να χτιζομε, εαν κι θα εφταμε ναναγενιετε ι βιομιχανια κε το ρεντζιπερλυκ, κε εαν κι θα εφταμε ναναγενιυνταν οχι κατα το παλεον. Πρεπ να εφταμε ναναγενιυνταν απαν σο σινχρονον τιν βασιν, το οπιον να εν χτιζμενον με το τελεφτεον τον λογον τεπιστιμις. Εις εκσερετε, οτι ατο ι βασι εν ο ιλεχτριζμον, οτι μονον οταν θα γινετε ι ιλεχτροπυιςι ολεν τι μεμλεχετι σολια τα κλαδια τι βιομιχανιας κε τι ρεντζιπερλυκι, οντες εις ατο το προβλιμαν θα χονεθετιατο, μονον ατοτες εις για τεσας θα εποριτε να

χτιζετε εκινο το κομμουνιστικον τιν κινονιαν, το οπιον κι θα επορι να χτιζιατο το παλεον ι γενεα. Εμπροστα σεσας στεχ το προβλιμαν τι νικοκριακυ αναγενιςις ολεν τι μεμλεκετι, ι αναδιοργανοσι, ι επανορθοσι εμ τι ρεντζιπερλυκιεμυν εμ τι βιομιχανιας απαν σο σινχρονον το τεχνικον τιν βασιν, το οπιον βασισσκετε σο σινχρονον τιν επιστιμιν, τιν τεχνικιν, τον ιλεχτριζμον. Ειςις τζιπ καλα εγρικατε, οτι σιν ιλεχτροπικιν ι αγραματι ι ανθρωπ κεπορυνε να πλυσιαζνε γε αδακα μονον το απλον ι γραματοσινια ολιγον εν. Αδακα κεφταν να εκσερ κανις ντο εν ιλεχτριζμος: πρεπ να εκσερ ποσ τεχνικα να εφαρμοζιατο εμ σιν βιομιχανιαν, εμ σο ρεντζιπερλυκ, εμ σα διαφορα κλαδα τι βιομιχανιας κε τι ρεντζιπερλυκι. Ατο πρεπ να μαθανοματο ι ιδιι, πρεπ να μαθιζοματο σολεν το αναπτιζομενον το εργατικον τιν γενεαν. Να το προβλιμαν, το οπιον στεχ εμπροστα σα καθα εναν σινιδιτον κομμουνιστιν, εμπροστα σα καθα εναν νεον ανθρωπον, ο οπιος λογαριαζ τον εαφτονατ κομμουνιστιν κε καλα εγρικα, οτι ατος, ασυ εσεθεν σο κομμουνιστικον τον Σινδεζμον τι νεολεας, επερεν απανατ ιποχρεοσιν — να βοιθα το κομαν να χτιζ τον κομμυνιζμον κε να βοιθα ολεν το νεον τιν γενεαν να διμιουργα το κομμουνιστικον τιν κινονιαν. Ατος πρεπ να εγρικα, οτι μονον σιν βασιν τι σινχρονον μορφοσις, ατος επορι να διμιουργα ατο ντο ιπαμε, κε εαν ατος κι θα κατεχι ατο τιν μορφοσιν, ο κομμυνιζμον θαπομεν μονον επιθιμα.

---

## ΤΟ ΧΤΙΣΙΜΟΝ ΤΙ ΚΟΜΜΥΝΙΣΤΙΚΗ ΚΙΝΗΝΙΑΣ

Για το περαζμενον τιν γενεαν το προβλιμαν ετον, να χρεμιζ τιν πυρζζυαζιαν. Ατοτες το χιριστερον το προβλιμαν ετον ι κριτικι τι πυρζζυαζιας, το αναπτιγμαν απες σα μαζας μισυς εναντιον σεπεν, το αναπτιγμαν τι τακσικυ σινιδιςις, ι δεκσιοτιτα να σιμπικ ον τα δυναμιαθε. Εμπροστα σο νεον τιν γενεαν στεχ προβλιμαν κιαλο πολιπλοκον. Ολιγον εν να ενο-

νετεν εις ολια τα δυναμιασυν για να ιποστιριζετεν το εργα-  
το-χορετκον τιν εκσυσιαν εναντιον σιν επιδρομιν τι καπιτα-  
λιστιον. Ατο εις πρεπ να εφτατιατο. Ατο εις καλα εγρι-  
κσετιατο, ατο καθαα εγρικατο ο κομουνιστις. Αλα ατο κεφταν.  
Εις πρεπ να χτιζετε το κομουνιστικον τιν κινονιαν. Το προ-  
τον το μισον τι δουλιας σε πολα περιστασια εγεντον. Το πα-  
λεον εχαλαεν, οπος κε επρεπεν να εχαλαυτον, ατο ατορα εν  
κυμυλ χαλαζματα, οπος κε επρεπεν να εμετατρεπκυτον σε  
κυμυλ χαλαζματα. Εκαθαριεν το εδαφος κε ατυ απαν σε  
εδαφος το νεον το κομουνιστικον, ι γενεα πρεπ να χτιζ κομυ-  
νιστικον κινονιαν. Εμπροστασυν στεχ το προβλιμαν τι χτισι-  
ματι κε εις ατο εποριτε να λινετιατο, μονον σταν θα κα-  
ταχτατε ολεν το σινχρονον τιν γνωσην, ασυ εποριτεν κε με-  
τατρεπετεν τον κομουνιζμον ασα ετιμα, καλομαθεμενα φορμου-  
λας, συμβυλας, ρετσεπτια, παρανχελματα, προγραματα, σεκινο  
το ζοντανον, το οπιον ενον τεμετερον το αμεσον τιν δουλιαν,  
να μετατρεπετε το κομουνιζμον σε οδιγιαν για τεμετερον το  
πραχτικον τιν δουλιαν.

Να το προβλιμαν τεσετερον, με το οπιον εις πρεπ να  
καθοδιγωστυν σε εργον τι μορφωσις, τι διαπεδαγογις, τι ανι-  
πρωσις ολεν τι νευ γενεας. Εις πρεπ να ιστυν ι προτι χτιστε  
τι κομουνιστικυ κινονιας αναμεσα σε εκατομυρια χτιστας πυ  
πρεπ να ιν ο καθε νεος ανθρωπος, το καθα εναν νεον κοριτς.  
Χορις να προσελχιζετε ολεν τιν μαζαν τεργατικυ κε αγροτικυ  
νεολεας σατο το χτισιμον τι κομουνιζμυ, εις το κομουνιστικον  
τιν κινονιαν κι θα χτιζετε.

---

## ΤΟ ΚΟΜΥΝΙΣΤΙΚΟΝ Ι ΙΘΙΚΙ

Αδακα εγω φυσικα πλυσιαζο σε ζιτιμαν πως πρεπ εις  
να μαθιζομε τον κομουνιζμον, πια πρεπ να ιν τα ιδιετερα  
τεμετερα τα τροπους.

Εγώ αδακα προτα προτα θα σταματο σο ζιτιμαν για το κομμουνιστικον τιν ιθικιν.

Εσιν πρεπ απεσας να αναθρεβετε κομμουνιστες. Το προ-βλιμαν τι Σινδεζμου τι νεολεας εν, να βαλ το πραχτικον τιν ιρασιναθε αετς, οστε σιτια μαθαν, οργανυτε, ενυτε, αγωνισσκε-τε ατο ι νεολεα ναναυρεθ τον εαφτοναθε κε ολυσ εκινυς, ι οπιι σατο ελεπνε αρχιγον, για ναναυρεθ κομμουνιστες. Πρεπ ολεν το εργον τι διαπεδαγογισις, τι μορφοσις κε τι σπουδισ τι σινχρονου νεολεας να εν διαπεδαγογισι σατο κομμουνιστικυ ιθικισ.

Αλα ιφιστατε-μι κομμουνιστικον ιθικι; Ιφιστατε-μι κομ-μυνιστικον ιθικοτιτα; Βεβεα νε. Σιχνα παριστανοντε τιν δυλιαν αετς οστε εμιν κεχομε τεμετερον ιθικιν, κε πολα σιχνα ι πυρ-ζζυαζια κατιγοραμας, οτι εμιν ι κομμουνιστε αρνιυμες καθε ιθι-κιν. Ατο εν τροπος να αλαζ κανιν τιν ενιαν, να σιρ σαχ-ταρ σοματα τεργατιον κε τι χορετιον.

Σοπιον ενιαν αρνιυμες εμιν τιν ιθικιν, αρνιυμες τιν ιθι-κοτιταν;

Σεκινο τιν ενιαν σο οπιον εδιδασκενατο ι πυρζζυαζια, πυ εβγαλνεν ατο τιν ιθικοτιταν ασα προσταγματα τι θευ.

Εμιν, οσον αφορα για τατο, βεβεα, λεγομε, οτι σον θεον κι πιστεβομε κε πολα καλα εκσερομε, οτι ασο ονομαν τι θευ ομιλανεν ο κληρος (τυχοδενστβο), ομιλαναν ι πομεσσικι, ομι-λανεν ι πυρζζυαζια, για να περαν τα εκμεταλεφτικα τα ιν-τερεσιατς. Ιτε, ναντι να εβγαλνε ατο τιν ιθικιν ασα προσταγμα-τα τι ιθικοτιτας, ασα προσταγματα τι θευ, ατιν εβγαλνα νατο ασα ιδεαλιστικα, ιτε μισοιδεαλιστικα φρασια, τα οπια παντα ερχυσαν κεκαταστελναναν σεκινο, πυ πολα ομιαζεν με τα προσταγματα τι θευ.

Οπιονδιποτε αιχον ιθικοτιταν, το οπιον επαρθεν ασο μι ανθρωπινον, ασο μι τακσικον τιν ενιαν, εμιν, αρνιυμεσατο. Εμιν λεγομε, οτι ατο κομπομαν εν, οτι ατο εν φυσκομαν κε γομομαν τι μιαλυ τεργατιον κε τι χορετιον γα τα ιντε-ρεσια τι πομεσσικιον κε τι καπιταλιστιον.

Εμεις λεγομε, οτι τεμετερον ι ιθικοτιτα ιποταετε σα ιντε-  
ρεσια τι τακσιку αγονα τι προλεταριατι. Τεμετερον ι ιθικοτιτα  
εβγεν ασα ιντερεσια τι τακσιку αγονα τι προλεταριατι.

Το παλεον ι κινονια εβασισκυτον σιν καταπιεσιν ολονεν  
τεργατιον κε τι χορετιον ασι πομεσσιкус κε τι καπιταλιστας.  
Εμεις επρεπεν ατο να εχαλαναματο, επρεπεν ατυνους να εξα-  
τιδαζαματε, αλα για τατο πρεπ να διμιουργυμε ενοσιν. Ο θε-  
ον ατο τιν ενοσιν κι θα διμιουργατο.

Αιχον ενοσιν επορναν να εδινανατο μονον τα φαπρι-  
κας, τα εργοστασια, μονον το προλεταριατ, το οπιον εμαθεν,  
το οπιον εγενεφεν ασο παλεον το χιμιζμην. Μονον ατοτες,  
ονταν ατο ι τακσι εσχιματιεν, ατοτες ερχινεσεν το μαζικον  
ι κινισι, το οπιον εφερεν σεκινο, πυ ελεπομε ατορα εμεις —  
σιν νικιν τι προλεταρικυ ρεβολιυτσιας σεναν τζι τ ασα αδινατα τα  
μεμλεκετια, το οπιον τρια χρονια ιπερασπισκυτον τον εαφτοναθε  
ασιν επιδρομιν τι πυρτζυαζιας ολεν τι κοζμι. Κε εμεις ελε-  
πομε, οτι το προλεταρικον ι ρεβολιυτσια αναπτιετε σολεν  
τον κοζμον. Εμεις ατορα, σιν θασιν τι πιρας λεγομε, οτι μο-  
νον ατο επορνεν να διμιουργα ενομενον δυναμιν, αποπισ ασο  
οπιον παι το κοματιαζμενον, το διασκορπιμενον ι αγροτια,  
το οπιον επορεσεν ναντιστεκ σολια τα επιδρομας τι εκμετα-  
λεφταδιον. Μονον ατο ι τακσι επορι να βοιδα τα εργαζομενα  
μαζας να ενυνταν, να σιμπικνυνταν κε τελιοτικα να ιπερασ-  
πιζνε, τελιοτικα να στερεονα το κομυνιστικον τιν κινονιαν,  
τελιοτικα να χτιζνατο.

Να γιατι εμεις λεγομε: για τεμας ι ιθικοτιτα, το οπιον  
επαρθεν εκς ασανθρωπινον τιν κινονιαν, κιφιστατε — ατο πρε-  
μαν εν. Για τεμας ι ιθικοτιτα ιποταετε σα ιντερεσια τι  
τακσιку αγονα τι προλεταριατι.

---

## ΤΟ ΤΑΚΣΙΚΟΝ Ο ΑΓΟΝΑΣ

Κε πυ κρατι ατο το τακσικον ο αγωνας; Ατο σιμεν: να κατιβαζομε τον τσαρον, να κατιβαζομε τι καπιταλιστας, να καταστρεφομε τιν τακσιν τι καπιταλιστιον.

Κε ντο σιμενε τακσια γενικα; Ατο εν εκينو, το οπιον επιτρεπ το εναν το μερος τι κινονιας να ικιοπια τον χοπον τι αλυ. Εαν το εναν το μερος τι κινονιας ικιοπια ολεν το χομαν, εμис εχομε τακσιν πομεσσικιον κε χορετιον. Εαν το εναν το μερος τι κινονιας ες τα φαπρικας κε τα εργοστασια, ες τα μετοχας κε τα κεφαλεα, κε ταλο δυλεβ σατα τα φαπρικας, εμис εχομε τακσιν καπιταλιστιον κε προλεταριον.

Κετον διςκολον να εδιοχαμε τον τσαρον — για τατο εχριασταν το ολον καμποσα ιμερες. Κετον ατοσον διςκολον να εδιοχαμε τι πομεσσικυσ — ατο επορναμε να επιναματο σα καμποσα μινας, αλα πολα διςκολον εν να διοχομε κε τι καπιταλιστας. Αλα να καταστρεφομε τα τακσια εμис ακομαν κεπροφτασαμε· κσαν επεμνεν ο χοριζμος τι εργατας κε τι χορετας. Εαν ο χορετες καθετε χοριστα σο χτιμαν κε ικιοπια περισον πσομιν, διλ. το πσομιν το οπιον κεν χρισιμον νε σεκινον κε νε σο χτινονατ, κε ολ ι αλ απομενε χορις πσομιν, ο χορετες μετασχιματιετε σε εκμεταλεφτιν. Οσον περισον αφιν ατος ατον πσομιν, ατοςον κιαλο για τατον σιφερομενον εν κε ι αλ ας πινυνε: „οσον περισον ατιν πινυνε, ατοςον κιαλο ακριβα πυλο εγο αυτο το πσομιν“. Πρεπ ολ να δυλεβνε με εναν κινον πλανον σε κινον χομαν, σε κινα φαπρικας κε εργοστασια κε με γενικον διοργανοσιν. Εφκολα-μι ατο επορι να γινετε; Εσις ελεπετε, οτι αδακα κεπορουμε να επιτιχενομε τιν λισιν αετς εφκολα, οπος κε σο να διοχομε τον τσαρον, τι πομεσσικυσ κε τι καπιταλιστας. Αδακα χριαςχετε το προλεταριατ να μεταναθρεβ, να μεταμορφον εναν μερος τι χορετιον, να τραβα σο μεροσαθε εκινυς, πυ ινε χορετ εργαζομεν για να καταστρεφ τιν αντιστασιν εκινον

τι χορετιον, ι οπιι ινε πλυσι κε κερδιζνε ζον λογαριαζμον τι ανανχισ, ταλονιον. Οστε, το προβλιμαν τι αγονα τι προλεταριατι ακομαν κετελιοςεν με εκινο, οτι εμης εκατιδαςαμε τον τσαρον, εδιοκσαμε τι πομερσικους κε τι καπιταλιστας, κε ατο εν ισα-ισα εκινο το προβλιμαν, το οπιον εμης ονομαζομε διχτατορια τι προλεταριατι.

Το τακσικον ο αγονας εκσακολουθα· ατο μονον ελακσεν τα φορμασαθε. Ατο εν τακσικος αγονας τι προλεταριατι για να μι επορυν να γιριζνε οπισ ι παλει εκμεταλεφιε, για να ενυτε το κατακοματιαζμενον ι μαζα τι σκοτινον χορετιον ζε-ναν σινδεζμον. Το τακσικον ο αγονας εκσακολουθα, κε τεμερον το προβλιμαν εν, να ιποταζομε ολια τα ιντερεσια ζατο τον αγοναν. Κε εμης τιν ιθικοτιτανεμυν πα το κομυνιστικον ιποταζοματο ζατο τον αγοναν. Εμης λεγομε: ιθικοτιτα εν εκινο, το οπιον ιπιρετα τιν καταστροφιν τι παλευ εκμεταλεφτικυ κινονιας κε τιν ενοτιταν ολονον τεργαζομενιον ολογερα ζο προλεταριατ πυ διμιυργα νεον κινονιαν τι κομυνιστιον.

---

## ΤΟ ΕΝΣΤΙΚΤΟΝ ΤΙ ΙΔΙΟΧΤΙΣΙΑΣ

Κομυνιστικον ιθικοτιτα εν εκινο, το οπιον ιπιρετα ατο τον αγοναν, το οπιον ενον τεργαζομενις εναντιον ζοπιονδι-ποτε εκμεταλεψιν, εναντιον ζοπιονδιποτε μιχρον ιδιοχτισιαν, γιατι το μιχρον ι ιδιοχτισια δι ζα ζσερα ινος προσοπι εκινο, το οπιον εδιμιυργισεν ο κοπον ολεν τι κινονιας. Το χομαν ζεμας λογαριαετε κινον ιδιοχτισια.

Κε εαν απατο το κινον τιν ιδιοχτισιαν εγο θα περο οριζμενον κοματ, παραγο ατυπαν διο φορας περιζον πζομιν αζε-κινο, το οπιον χριαςσκετεμε, κε με το περιζον το πζομιν εφταγο ζπεκυλιατςιαν; Λογαριαζο, πος οζον περιζι ινε ι πιναζμεν, ατοζον περιζον πα θα πλιρονεμε. Μιαερ εγο ατοτεζ φερχυμε αμον κομυνιστις; Γιок, αμον εκμεταλεφτις, αμον ιδιοχτιτις. Εναντιον ζατο πρεπ ναγονισχυμεζ. Εαν θαφινοματο

αετς, ολεν θα παι οπισ, ειν εκσυσιαν τι καπιταλιστιον, ειν εκσυσιαν τι πυρζζουαζιας, οπος ατο ετιχεν καμποςα φορας σεμπριζνα τα ρεβολιυτσιας. Κε για να μι επιτρεπομε εκ νεο να ερτε οπισ ι εκσυσια τι καπιταλιστιον κε τι πυρζζουαζιας, για τατο χριαςσκετε ατο τιν ταχσιν (ποριατοκ) να μι επιτρεποματο, για τατο χριαςσκετε τα ιδιετερα προσοπα να μι πλυτενε σον λογαριαζμον ταλονιον, γιατατο χριαςσκετε ι εργαζομεν να συμπικνυνταν με το προλεταριατ κε να σχηματιζνε το κομουνιστικον τιν κινονιαν. Σατο κρατι το κριοτερον ι ιδιοτιτα εκινυ, το οπιον εν το βασικον προβλιμαν τι Σινδεζμυ κε τι οργανοσις τι κομουνιστικυ νεολεας.

Το παλεον ι κινονια εβασισκυτον σαικον αρχιν, οστε για εσι σοεφς τον αλον, για ο αλος θα σοεβ εσεν, για εσι θα δυλεφς για τον αλον, για εκινος για τεσεν, για εσι ισε δυλοχτιμονας (ραποδλατελετς), για εσι ισε δυλος. Κε γνωστον εν, οτι ι αναθρεμεν σατο τιν κινονιαν ι ανθρωπ, επορυμε να λεγομε, με τι μανασατυν το γαλαν δεχκυνταν τιν ψιχολογιαν, το σινιθιον, τιν ενιαν — για δυλοχτιμονας, για δυλος, για μικρος ιδιοχτιτις, μικρος ιπαλιλος, μικρος τζινοβνικος, ιντελιγεντος — με εναν λογον ανθρωπος, πυ κοπιαζ μονον για να εςς τεκινυ, αλα με τον αλον ατος δυλιαν κεσσ.

Εαν εγο νικοχιρεφκυμε σαυτο τιν υτζαστκαν τι χοματι, εγο δυλιαν κεχο με ταλτς· εαν αλος θα πινα, κιαλο καλιον, εγο αλο ακριθα θα πυλο το πσομιμ. Εαν εγο εχο το μεροσιμ οσαν γιατρος, οσαν ιντζενερος, δασκαλος, ιπαλιλος, εγο δυλιαν κεχο με ταλτς. Ισος, εαν ιποστιριζο, ιπιρετο τιν εκσυσιαν τι πλυσιον, εγο θα διαφιλατο το μεροσιμ, κε ακομαν επορο νανιγο δρομον κε να γινυμε πυρζζουας. Αικον ψιχολογιαν κε aikon διαθεςιν ι κομουνιστις κι πρεπ να εςς. Οντες ι εργατ κε ι χορετ απεδικσαν, οτι εμις επορυμε με τιν δυναμινεμυν να ιπερασπιζομε εμις εμας κε να διμιουργυμε νεον κινονιαν, ισα αδαχα πα ερχινεσεν το νεον το κομουνιστικον ι ανατροφι σον αγοναν εναντιον σι εκμεταλεφτας, ι ανατροφι

σον σινδεζμον με τι προλεταριος εναντιον σι εγοιστας κε τι μικρος ιδιοχτιτας, εναντιον σεκινο τιν ψυχολογιαν κε σεκινα τα σινιθια τα οπια λεγνε: εγο κατορθονο να εχο τεμον το κερδος, κε σαλα εγο κανεναν δυλιαν κεχο.

Να πυ κρατι ι ενσιγισι τι ζιτιματι πος να μαθαν τον κομυνιζμον το νεον ι νεολεα το οπιον μεγαλον.

---

## Ο ΑΓΟΝΑΣ ΕΝΑΝΤΙΟΝ ΣΙ ΕΚΜΕΤΑΛΕΦΤΑΣ

Ατο επορι να μαθαν τον κομυνιζμον, μονον οταν ενον καθεναν ποδαρεαν τι μαθισισαθε, τι διαπεδαγογισις κε τι μορφωσιςαθε με τον αδιαχοπον αγωναν τι προλεταριον κε τεργαζομενιον εναντιον σο παλεον το εκμεταλεφτικον τιν κινονιαν. Οντες εμας λεγνεμας για τιν ιθικοτιταν, εμεις λεγομε: για τον κομυνιστιν ολεν ι ιθικοτιτα κρατι σατο το σιμπικνομενον, το αλιλενχιον τιν πιθαρχιαν κε σο σινιδιτον τον μαζικον αγωναν εναντιον σι εκμεταλεφτας. Εμεις σο εονιον τιν ιθικοτιταν κε πιστεβομε, κε το κομπομαν διαφορον μιδον για τιν ιθικοτιταν αποσεκεπαζοματο. Ι ιθικοτιτα εν για να σεκυτε ιπσιλα τανθροπινον ι κινονια, να ελεφθερυτε ασιν εκμεταλεψιν τι κοπυ.

Ατο για να εφαρμοζοματο, χριαςκετε εκινο ι γενεα τι νεολεας, το οπιον ερχινεσεν να μετατρεπκετε σε σινιδιτους ανθρωπος σε οπιστανοδχαν πιθαρχιμενου, αφοβυ αγωνα εναντιον σιν πυρζζυαζιαν. Σατο τον αγωναν ατο αναθρεβ πραγματικος κομυνιστας, σατο τον αγωναν ατο πρεπ να ιποταζ, κε να σινδιαζ με τατο καθεναν ποδαρεαν σιν μαθισισαθε, σιν μορφωσιν κε σιν διαπεδαγογισιν. Ι διαπεδαγογισι τι κομυνιστικυ νεολεας πρεπ να κρατι οχι σεκινο, οτι προσφερνατεν διαφορα νοστιμα λογια κε πραβιλας για τιν ιθικοτιταν. Σατο κε κρατι ι διαπεδαγογισι. Οντες ι ανθρωπ ελεπαν πος ι κιρυδες κε ι μαναδεσατον εζιναν αφχα σον ζιγον τι πομεσεσιχιον κε τι καπιταλιστιον, οντες εκιν ι ιδιι επερναν μερος σεκινα τα τιρανιας, τα οπια ετσαχυνταν σεκινετερον το κιφαλ, πυ ερχινοναν τον

αγοναν εναντιον ει εκμεταλεφτας, οντες ατιν ελεπαν ντο θα-  
ματα εκοστιζεν να εκσακολυθαναν ατο τον αγοναν για να  
κρατυν εκινο, το οπιον εκαταχτισαν, ντο γυτυρεμεν τυςμαν  
ινε ι πομερσιχι κε ι καπιταλιστ, — ατοτες ατιν ι ανθρωπ  
εδιαπεδαγογισχυσαν ςατο τιν οπςτανοδχαν κομυνιστε. Σιν βα-  
ςιν τι κομυνιστικυ ιθικοτητας ςτεχ ι ςινεχια κε το αποτελιο-  
μαν τι κομυνιζμυ. Να πυ κρατι κε ι βασι τι κομυνιστικυ δι-  
απεδαγογισις τι μορφοσις κε τι μαθισις. Να πυ κρατι ι απα-  
ντισι ςιν εροτισιν, πος να μαθαν κανις τον κομυνιζμον.

---

## ΤΟ ΚΟΜΥΝΙΣΤΙΚΟΝ Ο ΣΙΝΔΕΖΜΟΝ ΤΙ ΝΕΟΛΕΑΣ

Εμεις κι θα επιστεδαμε τιν μαθισιν, τιν διαπεδαγογισιν  
κε τιν μορφοσιν, εαν ατο θα εσιρχυτον μονον ςο ςκολιον κε θα  
εχπαυτον ασο διελοδικον τιν ςοιν. Ος οτυ ι εργατ κε ι χορετ  
απομενε καταπιεζομεν ασι πομερσιχους κε τι καπιταλιστας, ος  
οτυ τα ςκολια απομενε ςα ςερια τι πομερσιχιον κε τι κα-  
πιταλιστιον, ι γενεα τι νεολεας απομεν τιφλον κε ςχετινον.  
Κε τεμετερον το ςκολιον πρεπ να δι ςι νεολεαν τα βασια τι  
γνοσιον, να δι τιν δεκσιοτιταν ι ιδια να εβγαλ κομυνιστικα  
ιδεας, πρεπ να εφται απατυνους μορφομενους ανθρωπος. Το  
ςκολιον, ςον κερν πυ ι ανθρωπ μαθανε ατυ, πρεπ να εφται  
απατυνους ςιμετοχους τι αγονα για το απελεφθερομαν ασι εκ-  
μεταλεφτας. Ο Σινδεζμον τι κομυνιστικυ νεολεας μονον ατο-  
τες θα δικεολογα τιν ονομασιαναθε, οτι ατο εν Σινδεζμος τι  
κομυνιστικυ νευ γενεας, εαν ατο καθεναν ποδαρεαν τι μαθι-  
σιςαθε, τι διαπεδαγογισις κε τι μορφοσις θα ενον με το γενι-  
κον τον αγοναν ολονον τεργαζομενιον εναντιον ει εκμεταλεφ-  
τας. Γιατι ειςις τζιπ καλα εκσερετε, οτι ος οτυ ι Ρυσια απο-  
μεν μοναδικον εργατικον ρεσπυπλικα, κε ςολεν τον αλον  
κοζμον απομεν το παλεον το πυρζζυαζικον το ςιστιμαν, εμεις  
αξεκινους αδινατι ιμες, οτι καθε φοραν εμας φοδεριζμας  
νεον επιθεσι, οτι μονον εαν εμεις θα μαθαγομε τιν ενοτιταν

κε την ομοιογνωμian, εμεις θα νικουμε κε σο παρακατο τον αγοναν κε ατοτες θα ιμες πραγματικα ανικιτι. Τυτοτροπος, για να εν κανις κομουνιστις ατο σιμεν, να οργανον κε να ενον ολεν την γνεαν το οπιον μεγαλον, να δι παραδιγμαν διαπεδαγογισις κε πιθαρχιας ςατο τον αγοναν. Ατοτε εσις θα εποριτε ναρχινατε κε να φερετε ος το τελος το χτισιμον τι χτιριυ τι κομουνιστικυ κινονιας.

---

## ΝΤΟ ΣΙΜΕΝ ΚΟΜΥΝΙΣΤΙΣ

Για να εφταγοσασατο κιαλο φανερον, εγο θα φερο παραδιγμαν. Εμεις ονομαζομε τον εαφτονεμυν κομουνιστες. Ντο σιμεν κομουνιστις; Κομουνιστις εν λεκσι λατινικον. Κομουνιστικον κινονια σιμεν: ολια κινα ινε — το χομαν, τα φαπρικας, ο κοπος κινον εν — να ντο σιμεν κομουνιζμος.

Επορι-μι να εν ατο το κινον ο κοπος, οντες ι ανθρωπ ινε καταπιεζομεν ασι πομεσσικυσ κε τι καπιταλιστας, πυ επεριορτσαν ο καθαενας το νικοκιοριοναυ ςε κσεχοριστον μερος τι χοματι; Ατο να γινετε κεπορι. Ατο ασον υρανον κι ρυζ. Ατο πρεπ να κερδιζιατο κανις, να διμιουργατο, να ιποφερ για τατο. Ατο διμιουργιετε σιν ποριαν τι αγονα. Αδακα οχι το παλεον το βιβλιον — το βιβλιον κανις πα κι θα επιστεβενατο. Αδακα εν κεντι τι καθενος ι πια ασιν ζοιν. Οντες ο Κολτζακς κε ο Τενικιν επεγναν ασιν Σιθιριαν κιασον Νοτον, ι χορετ εσαν ςεκινετερον το μερος. Τον πολςσεβιζμον ατιν κερεχκυτανατον, γιατι ι πολςσεβικ περνε το πσομιν με τα σταθερα τα ζατανιας. Αλα οντες ι χορετ εδοχιμασαν σιν Σιθιριαν κε την Ύκρανιαν την εκσυσιαν τι Κολτζακ κε τι Τενικιν, ιδανε, πως για τον χορετεν διαλογι κεν: για πρεπ να πας ςον καπιταλιστον κε ατος θι διζε δυλον ςον πομεσσικον, γα δεβα αποπις ασον εργατιν, ο οπιος, νεμεν, γαλατι πεταμια κε κισελι παραλιας κιποχρευτε να δι, ο οπιος απετι απεσεν σιδερενεν πιθαρχιαν κε σταθεροτιταν ςο βαριν τον αγοναν,

αλα ο 'οπιος εβγαλτσε ασιν εκλαβιαν τι καπιταλιστιον κε τι πομεσσιχιον. Οντες ι εργατ κε ι χορετ εγρικσανε κε ιδανε ατο σατινιετερον τιν πιραν, ατοτες ατιν εγενταν σινιδιτι, πυ επερασαν το βαριν το εκολιον οσαν οπαδι τι κομυνιζμυ. Αικον πιραν πα πρεπ να βαλ σιν βασιν ολεν τι δρασιςαθε ο Σιν-δεζμον τι κομυνιστικυ νεολεας.

Εγο απαντισα σα ζιτιματα ντο πρεπ ειμς να μαθανο-με, ντο πρεπ να περομε ειμς ασο παλεον το εκολιον κιασο παλεον τιν επιστιμιν. Εγο θα κοπιαζο ναπαντο κε σο ζιτιμαν προς ατο πρεπ να μαθανοματο: μονον οντες θα ενονομε κα-θεναν ποδαρεαν τι δρασις σο εκολιον, καθεναν ποδαρεαν τι διαπεδαγογισις, τι μορφοσις κε τι μαθισις αχοριστα με τον αγο-ναν ολονον τεργαζομενιον εναντιον σι εκμεταλεφτας.

---

## ΤΟ ΚΟΜΥΝΙΣΤΙΚΟΝ Ι ΔΥΛΙΑ

Απαν σα καμποσα παραδιγματα, παρμενα ασιν πιραν τι δυλιας τι ενος για τι αλυ οργανοσις τι νεολεας εγο θα δικοσας χεροπιαστα προς πρεπ να παι ατο ι διαπεδαγογισι τι κομυνιζμυ. Ολ λεγνε για το λικβιταριζμαν ταγραματοσινιας. Εσις εκσερετε, οτι σαγραματον το μεμλεκετ να χτιετε κομυ-νιστικον κινονια κεπορι. Κεφταν μονον το σοβετικον ι εκσυσια να δι πρικαζ, γιαχοτ το κομαν να δι οριζμενον σινδιμαν, γιαχοτ να μεταφερομε οριζμενον μερος τι δυλεφταδιον σατο τιν δυλιαν. Για τατο χριασσκετε το ιδιον το νεον ι γενεα να περχετε σατο τιν δυλιαν. Ο κομυνιζμον κρατι σε-κينو, οστε ι νεολεα, ι νει κε τα κοριτσια, πυ ινε σον Σιν-δεζμον τι νεολεας να λεγνε: ατο εν τεμετερον δυλια, ειμς θα ενυμες κε θα παμε σα χορια για να λικβιταριζομε τιν αγραματοσινιαν, για να μι ες αγραματος τεμετερον ι γενεα το οπιον μεγαλον. Ειμς κοπιαζομε σεκينو, οστε ι αφτοενεργια τι νεολεας πυ μεγαλον να αφιερυτε για τατο τιν δυλιαν. Ε-σις εκσερετε, οτι αглиγορα να μετατρεπομε τιν Ρυσιαν απο

σκοτινον, αγραματον μεμλεχεται σε γραματιζμενον, κι γινετε, αλα εαν ι νεολεα θα δουλει για το οφελος ολονον, ατοτες ατο ο Σινδεζμον, πυ περιλαμβαν 400 χιλιαδες νευς κε κοριτσια, θα ες το δικεον να ονομαετє Σινδεζμος κομунιστικυ νεολεας.

Το προβλιμαν τι Σινδεζму κρατι 'σεκινο, οστε αςυ χο- νεβ τα διαφορα γνωση, να βοιθα εκινο τιν νεολεαν, το οπιον μοναχοναθε κεπορι να ελεφθερυτε αςιν σκοτιαν τι αγραματο- σινιας. Το να εν κανις μελος τι Σινδεζму τι νεολεας σιμεν να οδιγα τιν δουλιαν αετς, οστε να δι τιν δουλιανατ κε τα δυναμιατ σο κινον το εργον. Αρ εατο κρατι το κομунιστικον ι διαπεδαγογισι. Μονον εατο τιν δουλιαν μετατρεπκετε ο νεον ο ανθρωπον για το κοριτς σε εοστον κομунιστιν. Μονον σεκινο τιν περιπτοσιν, οταν ατιν, με τατο τιν δουλιαν θα κα- τορθονε να εφταγνε πραχτικα επιτιχιας, ατιν γινταν κο- μунисте.

Για παραδιγμαν επαρτε τιν δουλιαν εα κεπια, ντο ορ- γανουνταν εμα εα πολιτιας. Μιαερ ατο κεν εργον τι Σινδε- ζму τι κομунιστικυ νεολεας; Ο λαος πινα, εα φαπρικας κε εα εργοστασια εν πινα. Για να γλιτονομε αςιν πιναν, πρεπ να- ναπτιζομε τα κεπια, αλα το ρεντζιπερλουκ γινετε κατα το παλεον. Κε χριαςεκετε τα πλεον σινιδιτα στιχια να περχυν- ταν εατο, κεσις ατοτε θα ελεπετε, οτι τα κεπια θα περιε- θνε, ι εχτασιατυν θα περιεεβ, ταποτελεζματα θα καλιτερεβνε. Εατο τιν δουλιαν ο Σινδεζμον τι κομунιστικυ νεολεας πρεπ να περ ενεργον μερος. Καθεναν Σινδεζμος ιτε καθεναν γιατζεικαν τι Σινδεζму πρεπ να λογαριαζ ατο τιν δουλιαν τατινεθι δουλιαν.

Ο Σινδεζμον τι κομунιστικυ νεολεας πρεπ να εν μαχι- τικον ομαδα το οπιον εοπιονδιποτε δουλιαν δι τιν βοιθιαναθε, φανερων τιν προτοδουλιαναθε κε τιν αρχιν. Ο Σινδεζμον πρεπ να εν αικον, οστε καθενας εργατες να ελεπ εατο ανθρωπος, πυ τιν μαθισινατυν ιςος να μι εγρικα, πυ τιν μαθισινατυν

μεμίας ιςος να μι πιστεβιατο πα, αλα σο ζοντανον τιν δυ-  
λιανατον, σατινετερον τιν δρασιν, ατος θα ελεπ, οτι  
ατιν πραγματικα ινε εχιν ι ανθρωπ, πυ δικνατον σοστον  
δρομον.

---

## **ΝΤΟ ΙΠΟΧΡΕΟΣΙΑ ΕΧΝΕ ΤΑ ΜΕΛΙ ΤΙ ΣΙΝΔΕΖΜΥ ΤΙ ΝΕΟΛΕΑΣ**

Εαν ο Σινδιζμον τι κομουνιστικυ νεολεας σολια τα χλα-  
δια κεπορι να στρον αετς τιν δυλιαναθε, ατο σιμεν, οτι ατο  
δελιατε κε ρυζ σο παλεον το πυρζζυαζικον τον δρομον. Τε-  
μετερον τιν διαπεδαγογισιν πρεπ να ενονοματο με τον αγοναν  
τεργαζομενιον εναντιον ρι εκμεταλεφτας, προτι για να βοιθυ-  
με να λιυνταν εχινα τα ζιτιματα, τα οπια εβγενε ασιν διδα-  
σκαλιαν τι κομουνιζμο.

Τα μελι τι Σινδεζμο πρεπ καθεναν ελεφθερον ορανατον  
να μεταχιρισχυντανατο σο καλιτερεμαν τι κεπι, ιτε σο κα-  
πιον φαπρικαν γιαχοτ εργοστασιον να οργανονε τιν μαθισιν  
τι νεολεας κ.τ.λ. Εμης θελομε τιν Ρουσιαν απο μεμλεκετ φτο-  
χον κε ταλεπορον να μετατρεποματο σε μεμλεκετ πλυσιον.  
Κε πρεπ ο Σινδεζμον τι κομουνιστικυ νεολεας να ενον με τον  
κοπον τεργατιον κε τι χορετιον τιν μορφοσιναθε τιν μαθισιν  
κε τιν διαπεδαγογισιναθε, να μι κλιδουτε ρα σχολιαθε κε να μι  
περιοριςκετε μονον με το δεβαζμαν κομουνιστικον βιβλιον  
κε προσσυρον. Μονον ρον κοπον απες, ενταμαν με τεργατας  
κε τι χορετας επορι κανις να γινετε καθεαφτυ κομουνιστις.  
Κε πρεπ ολ να ελεπνε, οτι ο καθενας, πυ εμπεν ρον Σιν-  
δεζμον τι νεολεας, εν γραματιζμενος κε ενταμαν μετατο ε-  
γρικα να δυλεβ πα. Οντες ολ ελεπνε, οτι εμης εδιοχσαμε ασο  
παλεον το σχολιον το παλεον το γιμναζμαν κε αντικαταστι-  
σαματο με αφστιρον πιθαρχιαν, οτι καθενας νεος ανθρωπος  
παι να περ μερες σο ρυποτνικον, πως ατινεποφελιυνταν κα-  
θεναν νικοχιριον, ντο εν οργανομενον ρυμα σιν πολιτιαν, για

να βοιθουν τον πλιθιζμον — ο λαος θα τερι τον κοπον οχι αετς, οπος ετερνενατο εμπροστα.

Το προβλιμαν τι Σινδεζμυ τι κομουνιστικυ νεολεας κρα-  
τι ρεκινο, οστε να οργανον ρο χοριον, ιτε ρατινεθι το κβαρ-  
ταλ βοιθιαν ραικον δυλιαν, οπος ι εκραςφαλις τι καθαριοτιτας  
ιτε το διαμιραμαν τι φαι. Πος εγινυτον ατο ρο παλεον το  
καπιταλιστικον τιν κινονιαν; Καθενας νικοχιρτς εδυλεθεν μο-  
νον για τον εαφτονατ, κε κανενας κετερνεν ινε-μι αδα γερι  
γικχοτ αροστι, ιτε ολεν το νικοχιριον ρυζ απαν ρομια τι γι-  
νεκας, ι οπια για τατο εδριετε ρε ρυγμενον κε ιποδυλον κα-  
ταρταρσιν. Πιος πρεπ να πολεμα εναντιον ρατο; Τα Σινδεζμυς  
τι νεολεας, τα οπια πρεπ να λεγνε: εμιας ατο μεταρρματι-  
ζοματο, εμιας οργανονομε ταγματα νεον ανθρωπον, τα οπια  
θα καταγινταν με το διαμιραζμαν τι φαι, ενο παγνε ριστιμα-  
τικα ρορπιτια, τα οπια θα επιδρυν οργανομενα ρο οφελορ ολεν  
τι κινονιαρ, αρυ διαμιραζνε ορθα τα δυναμια κε αρυ δικνε,  
οτι ο κοπος πρεπ να εν οργανομενον κοπος.


---

## ΤΟ ΜΕΛΟΝ ΑΝΙΚΙ ΣΙΝ ΝΕΟΛΕΑΝ

Εκινο ι γενεα, πυ ι αντιπρορρτιαθε ατορα ινε 50 χρονον,  
κεπορι να ιπολογιζ, πορ ατο θα ελεπ το κομουνιστικον τιν  
κινονιαν. Ορ ατοτερ ατο ι γενεα θαποθαν. Αλα εκινο ι γε-  
νεα, πιον εν ατορα 15 χρονον, ατο εμ θα ελεπ το κομουνι-  
στικον τιν κινονιαν, εμ θα χτιζ ατο τιν κινονιαν. Κε ατο  
πρεπ να εκερ, οτι ολεν το προβλιμαν τι ροιραθε θα εν το  
χτιζιμον τατινεθι τι κινονιαρ. Ρο παλεον τιν κινονιαν ο κο-  
πορ εγινυτον ρε κρεχοριρτον ικογενιαν κε κανενας κενονενατο  
για να εγινυρ αν ι εργαζομεν ενιεον ρτρατορ. Εμιας πρεπ κα-  
θε ιδορ κοπον, αρον κε αν εν λερον κε δικκολον, να εφτα-  
ματο αετς, οστε καθενας εργατερ κε χορετερ να τερι τον ε-  
αφτονατ αετς: εγο ιμε εναν μερορ τι μεγαλυ ρτρατυ τι κο-  
πυ κε θα επορο ο ιδιον να χτιζο τιν ροιμ χοριρ τι πομερρρικορ

κε τι καπιταλιστας, επορο να βαλο ταχσιν. Πρεπ ο Σινδεζμον  
τι κομουνιστικυ νεολεας να διαπεδαγογα τα μαζας απο μικρα χρονια  
απο δοδεκα χρονον, σον σινιδιτον κε πιθαρχιμενον κοπον. Με αι-  
κον τροπον εμης επορυμε να υπολογιζομε, οτι εκινα τα προ-  
βλιματα, τα οπια ατορα εβαλθαν, θα λιυνταν. Εμης πρεπ να  
υπολογιζομε, οτι χριασκυνταν οχι ολιγοτερον απο 10 χρονια  
για τιν ιλεχτροπιςιν τι χορας, για να επορι κεκσιπιρετιετε  
το φτοχικον το χομανεμυν με τα τελεφτεα προοδους τι τε-  
χνικις. Κε να, ι γενεα, το οπιον εν ατορα 15 χρονον, κε  
το οπιον με τα 10-20 χρονια θα ζι σο κομουνιστικον τιν  
κινονιαν, πρεπ ολια τα προβλιματα τι μαθισιςαθε να βαλιατα  
αετς, οστε καθεναν ιμεραν σε οπιονδιποτε χοριον, σε οπιον-  
διποτε πολιτιαν ι νεολεα να λιν πραχτικα το εναν γιαχοτ  
το αλο το προβλιμαν τι κινυ κοπου, ας παι να εν κε ολεν  
το μικρον, ας παι να εν κε ολεν το απλον. Κατα ποσον ατο  
θα περαν σο καθα εναν το χοριον, κατα ποσον θα σκυτε ι  
σορεβνοθανια, κατα ποσον ι νεολεα θαποδικ, οτι ατο επορι να  
ενον τον κοποναθε— ατοσον πα θα εν εκσασφαλιζμενον ι επι-  
τιχια τι κομουνιστικυ χτισιματι. Μονον ασυ τερι καθεναν πο-  
δαρεαναθε, μονον ασυ εροτα τον εαφτοναθε επικαμε-μι εμης  
ολια για να ιμες ενομεν εργαζομενι, μονον σατο το μακριν  
το προτςες ο Σινδεζμον τι κομουνιστικυ νεολεας θα εφται εκι-  
νο, οτι ατο το μισον εκατομυριον τα μελιαθε θα ενον σε-  
ναν ικογενιαν κε θα σκον γενικον σεβας σον εαφτοναθε.

---



## ΣΟ ΛΕΝΙΝΙΣΤΙΚΟΝ ΤΟ ΚΟΜΣΟΜΟΛ

Ο ΧΕΡΕΤΙΖΜΟΣΑΤ ΣΟ ΚΟΜΣΟΜΟΛ ΣΟ 10- ΤΙΝ  
ΧΡΟΝΙΑΝΑΘΕ ΣΑ 27 ΟΚΤΩΒΡΙΥ 1928

Χερετιζμους σο λενινιστικον το Κομσομολ ειν ιμεραν τι 10-ο χρονιασαθε.

Το λενινιστικον το Κομσομολ ετον κε απομεν νεον ρεζερβ τι ρεβολιυτσιασεμυν. Δεκαδες κε εκατονταδες χιλιαδες καλιτερι αντιπροσοπι τι νευεργατο-χορετκυ γενεας αναθρεφταν σα γραμας τι Κομσομολι, επεραν επαναστατικον γανομαν κε εσεβαν σο κομανεμυν, σα σοβετιαμυν, σα προφσογιυζιαμυν, συν Κοκινον Στρατονεμυν, συν Κοκινον Στολανεμυν, ειν κροπερα-τσιανεμυν, σα μορφοτικα οργανοσιαμυν — σο μερος τι παλευ γβαρτιας τι πολςσεβιχιον.

Το Κομσομολ επιτιχεεν ατο το δυσκολον το προβλιμαν επιδι επινεν τιν δυλιαναθε με τιν οδιγίαν τι κοματι, επορ-νεν να εινδιαζ ειν δρασιναθε τιν μαθισιν γενικα, το λενιν-ιστικον τιν μαθισιν ιδιετερα με το καθιμερινον το πραχτικον τιν δυλιαν, επορνεν να αναθρεβεν το νεον τιν γενεαν τεργατιον κε τεργατριον, τι χορετιον κε τι χορετριον σο πνεβμαν τι ιντερ-νατσιοναλιζμυ, επορνεν να εβρικεν γενικον γλοςαν αναμεσα ει παλεუს κε νευς λενινιστας, αναμεσα σο παλεον κε το νεον

τιν γβαρτιαν, επορνεν να ιποταζ ολεν τιν δουλιαναθε σα ιντε-  
ρεσια τι διχτατοριας τι προλεταριατι κε τι νικισ τι σοσια-  
λιστικυ χτισιματι.

Μονον για τατο εκατορθοσεν το Κομσομολ να κρατι ι-  
πσιλα τιν σιμεαν τι Λενιν.

Ας ελπιζομε, οτι το Κομσομολ θα κατορθον να εχτελα  
κε παρακατο το χρεοσαθε εμπροστα σεμετερον κε το παν-  
κοζμιον το προλεταριατ.

Σο δισεκατομυριον το ρεζερβ τι κοματιεμυν, σο λενινι-  
στικον το Κομσομολ — χερετιζμυς.

Ζιτο το κομσομολικον το γενοσ!

## ΓΙΑ ΤΟ ΚΟΜΣΟΜΟΛΙΚΟΝ ΤΑΚΤΙΒ ΣΟ ΧΟΡΙΟΝ

Ο ΛΟΓΟΣΑΤ ΣΙΝ ΣΙΝΕΔΡΙΑΣΙΝ ΤΙ ΟΡΓΠΙΥΡΟ ΤΙ ΚΚ  
ΤΙ ΡΚΠ ΣΑ 6 ΤΑΠΡΙΛ 1925

Σιντροφι! Το προτον το προβλιμαν κρατι σεκινο, για  
να εκσασφαλιζομε σον Σινδεζμον τι νεολεας το βασικον το  
προλεταρικον τον πιριναναθε οσαν πιριναν, το οπιον οδιγα  
ολεν τον Σινδεζμον. Ο τοχλατζικον τιδεν κιπεν για τατο το  
ζιτιμαν. Ατο παρακσεων πα κεν γιατι λογοσ γινετε για τιν  
δουλιαν τι Κομσομολι σο χοριον κε οχι για το προλεταρικον  
τον πιριναναθε. Αλα ατο λεμποδιζ εκινο, οτι ι εκσασφαλιςι  
τι προλεταρικυ πιρινα απομεν βασικον προβλιμαν τι Κομσο-  
μολι. Εγο εθιαρο, ποσ ι δουλια σατο τιν κατεφθινσιν παι ολι-  
γον-πολα επιτιχιμενα. Επορι κανισ να λει χορις ιπερβολεν,  
οτι το παρσιμον τι εργατικυ νεολεας σο Κομσομολ παι επι-  
τιχιμενα κε κεν μακρα εκινο ο κερσ, οταν ο Σινδεζμον θα  
περιλαμβαν οχι ολιγοτερον ασα ενεα δεκατα ολεν τι εργατικυ  
νεολεας.

Το δευτερον το προβλημα κρατι σο σοστον τιν τοποθετισιν τι δουλεφταδιον τι προλεταρικυ, πiriνα σα κιριοτερα πυνηκτια κε βασικα ραιονια τι Σινδεζμυ για να εκσασφαλιετε ρεαλιστικον καθοδιγισι τι χορετκυ μερυσ τι νεολεας με τα δυναμια τατινεθι τι πiriνα. Εγo κσεκiνο ασεκiνο, οτι το χορετκον μερος τι νεολεας εν περισoτερον ασο προλεταρικον μεροσαθε. Εγo κσεκiνο ασεκiνο, οτι τα προλεταρικα δυναμια τι νεολεας κι κανινταν για να διαμιραυνταν ισομετρα σολια τα υγεζτια κε τα βολοστια τι Σοβετικυ Σινδεζμυ. Για τατο χριασσεχετε να τοποθετιυνταν ατα τα δυναμια αετς, σαικα πυνηκτια αποπυ εν αςολεν εφκολον να εκσασφαλιετε ι καθοδιγισι τι χορετκυ νεολεας. Εγo κεθιαρο πoς ατο το προβλημα ενχτελιετε ασο Κομσομολ αετς επιτιχιμενα, οπος κε το προτον το προβλημα. Αλα iνε κσαν βασια για να υποθετ κανις, οτι εργασια για τιν ενχτελεσιν τατινεθι τι προβλιματι γινετε ασο μερος τι Κομσομολι με ολεν τιν ενεργιαν, κε ατο κι θα αργεβ να δι τζιπ σο συμον τον κερoν ταποτελεζματαθε.

Το τριτον το προβλημα κρατι σεκiνο, για να εκσασφαλιετε το Κομσομολ με πολιαριθμον ακτιβ χορετκυ νεολεας σο χοριον, ναναθρεδομε πολιτικα ατο το ακτιβ, να εφταματο εφαρμoστιν τι προλεταρικυ πολιτικis σο χοριον κε να μεστρεποματο σε τσεμεντον, το οπιον ενoν το προλεταριατ με τα εργαζομενα αγροτικα μαζας. Το εργoν ατο εν διςκολον κε σε ανoτερον βαθμον πολιπλοκoν. Να λιετε ατο το προβλημα σε μικρον προθεζμιαν εν ολοσδιολυ αδινατον. Χριασκυνταν τεραστια δυναμια κε τζιπ μεγαλον εντατικοτητα, τι δυναμιον τι προλεταρικυ πiriνα τι Κομσομολι για να καταφερ ατο το προβλημα. Κε να λιετε πρεπ χορις αλο. Γιατι, χορις ατο κεν δινατον υτε το δυναμομαν τι Κομσομολι, υτε το εκσασφαλιζμαν τι σιναφιας αναμεσα σεργατας κε τι χορετας. Αλα πoς να εκσασφαλιετε το Κομσομολ με χορετκoν ακτιβ, πoς ναναθρεφχετε ατο τακτιβ, κε πoς να κατορθoν κανις για να εν ατο εφαρμoστις τι προλεταρικυ πολιτικis σο χοριον;

Λεγνε, πως μονον σεκρεταρ εα χορετκα τα γιατζεικα, ινε οχι ολιγοτερον ασα 27 χιλιαδες ανθρωπ. Λεγνε, πως, αναθα τι σεκρεταρτς τι γιατζεικας, ινε ακομαν ακτιβνι δυλεφταδες — κομςομολι ειν κοοπερατςιαν, εα σοβετια, εα κρεστκομια, εα μορφοτικα καθιδριματα κ. α. Λεγνε, πως ολεν ατο μαζι πρεπ να δι οχι ολιγοτερον ασα 100 χιλιαδες χορετκον ακτιβ τι Κομςομολι. Σοστον-μι εν ατο, — διςκολον εν να λεατο κανισι. Αλα εαν ολεν ατο εν σοστον, πρεπ να λεγο, οτι ολεν ατο τακτιβ, οντες εποφελιετιατο ορθα κανισ, επορι τα αποτελι πολα μεγαλον δυναμιν, ικανον να εφται θαματα. Ατο το περιστατικον κιαλο πολα εν επυδεον, γιατι το κομαν ατορα διαθετ σο χοριον κιαλο με ολιγοτερον ποσον ακτιβι.

Κε να το προβλιμαν: πως ναναθρεφκετε ατο το πολιαριθμον ακτιβ, πως να γινετε εφαρμοςτις τι προλεταρικυ πολιτικισ σο χοριον οχι με λογια αλα με εργα;

Εγω κεχο σκοπον να διγο αδακα εκσαντλιτικον απαντιςιν. Ατο κσαι δυνατον κεν να γινετε σε μικρον λογον. Αλα να σχεδιαζο μερικα βασικα ορυς, τα οπια ινε χριαζουμενα για να φερκετε κανισ σοστα εατο το προβλιμαν, ατο εν τζιπ δι νατον κε σε μικρον λογον. Ντο ινε ατα τα ορυς: Ατα τα ορυς ννε τυλαχιστον οχτο.

Προτον. Χριαςσκετε το χορετκον ακτιβ τι νεολεας να εν εφοδιαζμενον με εκλαικεβμενα προσεσυρας κε επραβοτςνικια, τα οπια να επεκσιγιζνε τα τεκρετια τι σοβετικυ κιβερνιςις σο οφελος τεφτοχολογιας. Χριαςσκετε, οστε ατο το ακτιβ να εκσερ αμον τα πεντε δαχτιλαθε ατα τα τεκρετια, να επορι κε επεκσιγιζιατο ειν εφτοχολογιαν κε να επορι κε ιπεραςπιζ τα ειφεροντα τεφτοχολογιας απαν εατα τα αποφασια εναντιον ειν καταπιεσιν τι κυλακιον. Εγω εθιαρο πως εναν ασα βασικα τα καχιας τι εινχρονον τακσιον σο χοριον εν, οτι κεκσερνε ατα τα τεκρετια κε γιατατο ι πλυσι ειστιματικα παραδιαζνατα. Το κομςομολικον ακτιβ σο χοριον πρεπ να ετεκ φρυρος τι επαναστατικυ νομικοτιτας. Ατο πρεπ να ετεκ αμον

ρασσειν για την εφτοχολογίαν το χορίον. Απο το προβλιμαν αναμφιβόλα εν απλον κε πεζον. Αναμφιβολον εν, οτι κιαλο εφχολον εν να καλατζεβ κανις εφχερα για το πανκοζμιον την επαναστασιν, παρα να εφαρμοζ σιν ζοιν απο το απλον κε το καθιμερνον το προβλιμαν, το οπιον εν σινδεδεμενον με τα σοβετικα τεχρετια. Αλλα αναμφιβολον εν κε εχينو, οτι χορις απο κεν δυνατον κανεναν σιναφια.

Δεφτερον. Χριασσεχτε, οστε το χορετχον ακτιβ τι νεολεας να εν εφοδιαζμενον με εκλαιχεβμενα προσσυρας για τα στιχιοδixa βασια ταγρονομιας. Χριασσεχτε, οστε απο τακτιβ να σπυδαζ ταγροτικον το νιχοκιριον, να εγνωριμιαετε με τα μετρα τι καλιτερεπσιςαθε, κε να επορι κε δι τον χορετεν τα χριαζομενα πληροφοριας σατο την περιοχιν. Ο χορετες πολα φορας φερχετε σον κομσομολον οχι σοβαρα, χοροιδεφτικα. Απο γινετε γιατι ο χορετες λογαριαζιατον αποχομενον απο νιχοκιριον, αμαθιν, λοτιρον. Απατο εβγεν το προβλιμαν — να πλιςιαζομε κε να σινδενομε τον κομσομολον με το νιχοκιριον. Ο κομσομολον — ακτιβιστον επορι να καταχτα το σεβας κε την εμπιστοσινιαν τι χορετα μονον σεκιν ο την περιπτοσιν, εαν ατος θα ενυτε με ταγροτικον το νιχοκιριον, εαν θα μαθαν να δι εφελιμα σιμβυλας για το ανιθαζμαν ταγροτικου τι νιχοκιρι, για το καλιτερεμαν κε το δυναμοναθε. Απο το εργον, βεδεα, κεν εφχολον κε ισοσ βαρειον πα να εν. Αλλα απο κεμποδιζιατο να εν εργον χρισιμον σεκιν ο, οστε να καταχτα κανις την εμπιστοσινιαν τι χορετα.

Τριτον. Χριασσεχτε, οστε το κομσομολικον ακτιβ το χοριον να εν εφοδιαζμενον με εκλαιχεβμενα προσσυρας για το αγροτικον τον φορον, για το επιτοπιον τον προιπολογιζμον, για το ικονομικον την καταστασιν τι μεμλεχετι. Ο φορος, το επιτοπιον ο προιπολογιζμον ιν το προτον εργον το χοριον ατορα. Απαν σατο την βασιν διμιουργιουνταν ατορα αμετρικα καταχριςια. Πος να διαμιραουνταν τα φορους, οστε ο φτόχον να μι αδιχιετε κε ο κυλαχον να μι ελεφθερυτε ασα φορολο-

γικά τα βαρί· πος να εκσοδεφκυνταν τα χριματα ασο επιτο-  
πιον τον προιπολογιζμον, κε σα πια ανανκας· πος να κατορ-  
θονομε, οστε τα καταχρεια απαν σατο τιν βασιν να εβγενε  
σο μειταν κε να κσεριζυνταν, — ολια ατα ινε αιχα ζιτιματα,  
πυ ασο γιανατυν κες ο κομσομολον — ακτιβιστον να περαν  
κεπορι. Να ταραετε σολεν τιν δυλιαν κε να ερτε σε βοιθιαν  
σεργαζομενον τιν αγροτιαν — αιχον εν το προβλιμαν. Ατο το  
εργον πα κεν εφκολον κε κεν ατοσον προσελκιστικον. Αλα  
χωρις ατο το εργον κεν κε κεπορι να εν κανεναν σοβετικον  
χτισισμον σο χοριον.

Τεταρτον. Χριασσκετε, οστε το κομσομολικον ακτιβ σο  
χοριον να εν εφοδιαζμενον με εκλαικεδμενα σεπραβοτζνικια  
για τα ζιτιματα τι σοβετικυ χτισισματι, τι ζοιρεματι τι σοβε-  
τιον κε τι προσελκιζματι τι χορετιον σο εργον τι δικιςις  
τι χορι, τι βολοστι, τι ραιονι, τι υγεζτι κ.τ.λ. Χριασσκετε,  
οστε ο κομσομολον-ακτιβιστον αμον τα παντε δαχτιλατ να  
εκσερ τιν πολοζζενιαν για τα δικεοματα κε υποχρεοσια τι  
επιτοπιον σοβετιον, για τα δικεοματα κε υποχρεοσια τι χο-  
ρετιον σα σοβετια, για το εκλογικον το ριστιμαν, για τιν τα-  
κσιν, με το οπιον περανε τα εκλογας κ.τ.λ. Να εκσιγιετε σε  
χρετας ι πολιτικι τι κοματι κε τι σοβετικυ εκσυσιας σο χο-  
ριον, να κατορθυτε οστε ατο ι πολιτικι να περαν σιν ζοιν  
τιμια κε εφσινιδιτα — αιχον εν το προβλιμαν. Χωρις ατο  
ας μι νυνιζ κανις κε για τιν καταχτισιν τι εμπιστοσινιας τι χο-  
ρετιον, για το μεγαλομαν τι χορετκυ ακτιβι, για το εμφιτε-  
μαν τι προλεταρικυ διμοκρατιας σο χοριον.

Πεμτον. Χριασσκετε να εφοδιαζομε το χορετκον ακτιβ  
τι Κομσομολι με εκλαικεδμενα προσσυρας για το αγροτο-νικοχι-  
ριακον, για το πιστοτικον κε το καταναλοτικον τιν κοοπε-  
ρατσιαν, για τα αρτελια κε τα κολεχτιβικα νικοκιρια. Χρια-  
σσκετε, οστε ο κομσομολον—ακτιβιστον να επορι κε παρασειρ  
τι χορετας σο εργον τι εμφιτεματι τι κοοπερατιβικυ κινονι-  
κοτητας σο χοριον. Ατο το εργον εν σε ανοτερον βαθμον δι-

σχολον κε πολιπλοκον, αλα ατο εν απολιτα χρισιμον για να επικινονα το χοριον σο σοσιαλιστικον το χτισιμον. Ταγροτο-νικοχιριακον κε το πιστοτικον ι κοοπερατσια εχνε ατορα προ-τοβαθμον σιμασιαν για τον χορετεν. Να κατορθονομε, οστε ι κοοπερατσια να γινετε γνισιον κε συμον για τι χορετας εργον — αικον εν το προβλιμαν.

Πρεπ σατο κεκα να διγομε προσοχιν σεκινο οτι ι ελι-πσι ινθενταρι σα φτοχα στροματα τι χορετιον, διμιουργα σο χοριον ιδιετερον οπςτανοβχαν εβνοικον για να διμιουργιουνταν αρτελια κε κολεχτιβικα νικοχιρια, οταν θα εν οριζμενον βοιθια ασο μερος τι πιστοτικον καθιδριματιον τι κρατυς. Το προ-βλιμαν κρατι σεκινο, οστε τα εφτοχα στροματα τι χορετιον να εχνε το μινκιν σατο κεκα να περνε αντιστιχον πιστοσιν με εφκολιας. Ο κομσομολον-ακτιβιστον κεπορι να περαν ασο γιαν ατονον τι ζοτικον προβλιματιον.

Εκτον. Πρεπ το κομσομολικον ακτιβ σο χοριον να εν εφοδιαζμενον με τα χριαζομενα υκαζανιας κε ματεριαλια για το μορφοτικον το χτισιμον σο χοριον — για τιν αναπτικσιν τανα-σνοστιριον, για το λιχβιταριζμαν ταγραματοσινιας κ. α. Ο ακτιβι-στον-κομσομολον, οσαν φυσικος βοιθος τι σοβετιον κε γενικα τι μορφοτικον δυναμιον τι χορι σο εμφιτεμαν τι σοβετικυ κυλτυ-ρας — αικον εν το προβλιμαν.

Εβδομον. Πρεπ το κομσομολικον ακτιβ σο χοριον να εςς σοστα υκαζανιας για τα διχεοματα κε τα ιποχρεοσια τι κομσομολιον, για τα σχεσια αναμετακσι σο Κομσομολ κε το κο-μαν, αναμετακσι σο σοβετ κε το Κομσομολ. Χριαςσκετε, οστε ο ακτιβιστον-κομσομολον να τερι τον εαφτονατ οσαν βοιθον τι κοματι κε τι σοβετικυ εκσυσιας σο χοριον. Το κυμανταριζμαν σο χοριον, τα απρεπιας σον κερον τι εκλογον σα σοβετια, ι αποπιρα να αντικαταστυν τα κοματικα, κοοπερατιβικα κε σοβε-τικα οργανοσια, τα χυλιγανικα πρακσια σο ονομαζομενον αντιθρι-σκεφτικον προπαγανδαν — ολεν ατο πρεπ να κρεμιετε κε να λιχ-βιταριετε σο κιφαλ απαν, οσαν κατ, το οπιον διςφινιζ τιν σιμεαν

τι Κομσομολι κε ολος διολυ κεν ακσιον ειν ονομασιαν τι κομ-  
σομου. Το ανιλεον ο αγονας εναντιον σατα τα απρεπιας κε  
ι καθιερωσι σωστον σχεσιον αναμεσα σο Κομσομολ κε τα σοβε-  
τικο-κοματικα οργανα — αιχον εν το προβλιμαν.

Ογδοον. Χριασσεχτε, οστε το κομσομολικον ακτιβ σο χο-  
ριον να εν εφοδιαζμενον με εκλαιχεβμενα προσευνας για τον  
εινδεζμον, τεργατιον κε τι χορετιον, για τον σκοπον κε την  
ειμασιαν τατινεθι τι εινδεζμου, για την διχτατοριαν τι προλε-  
ταριατι, για τα βασια τι κομυνιζμου κε τελος για την ιστο-  
ριαν τι Οχτοβριανυ ρεβολιυτσιας, για τεκινο, πως εξιναν ι  
χορετ εφτιαν, συν κερο τι τσαρυ κε τι πομερσικυ, πως ζυνε  
ατιν ατορα κε πως θα ζυν οταν θα δυναμον ι ευναφια κε θα  
εμφιτεβομε τον σοσιαλιζμον. Ο ακτιβιστον-κομσομολον κσαι κι  
πρεπ να προσαρμωσσεχτε σα προλιπσια τι χορετα. Να λογα-  
ριασετε με τατα τα προλιπσια κε να προσαρμωσσεχτε σατα —  
ινε διοπραματα διαφορα. Ατος πρεπ να επορι να ομιλα με τον  
χορετεν με γλωσαν κομυνιστι. Ατος πρεπ να επορι κε κατα-  
πιθ τον χορετεν σα εινκεκριμενα φακτια, οτι εκς ασον σοσια-  
λιζμον για τατον γλιτομονι κεν.

Αικα ινε εκινα τα υελοβιας, πυ ι εχτελεσιατυν εν χρια-  
ζυμενον για ναναθρεβομε πολιτικα το χορετκον ακτιβ τι  
Κομσομολι κε να εφταματο εφαρμοστιν τι προλεταρικυ πολι-  
τικισ σο χοριον. Το προβλιμαν τι Κεντρικυ Κομιτετι τι κομ-  
σομολι κρατι σεκινο, οστε να εφκολιν κε να εφται κοντρολ  
πος περυν ειν ζοιν ατα τα υελοβιας.

Δεγνε για τα κινδινυς τι κολοσειυ τρανεματι τι Κομ-  
σομολι σο χοριον. Δεγνε για το πλιμιριζμαν τι χορετκυ  
νεολεας σο Κομσομολ. Σευφεν κι σκον, οτι οριζμενον κινδινος  
αδαχα εν. Αλα αναμφιβολον εν κε εκινο, οτι το Κομσομολ  
επορι να μι φοατε ατο τον κινδινον, εαν ατο θα επορι να  
εχτελα εκινα τα προβλιματα, πυ εβαλαμε κιαλο απαν. 100  
χιλιαδες κομσομολικον ακτιβ σο χοριον — ατο εν αιχον δυνα-  
μι, γιατο οπιον κεπορι να εν επικινδινον κανεναν πλιμιρι-

1  
ζμαν χορετκυ νεολεας. Ολεν ι δυλια κρατι σεκινο, οστε να γινετε λισταζμενον δυλια για το πολιτικον τιν διαπεδαγογισιν τατινεθι τακτιθι. Ολεν ι δυλια κρατι σεκινο, οστε εγρικιζμενα να οδιγιτε ι δυλια τατινεθι τακτιθι σο εργον τι δυναμοματι τι σινδεζμυ τεργατιον κε τι χορετιον. Ολεν ι δυλια εν, να εποφελιωμες ατο τακτιθ για να παρασιρομε τι χορετας σο νεον, το σοβετικον το χτισιμον. Οστε:

α) ι εκσασφαλισι τι προλεταρικυ πιρινα σο Κομσομολ οσαν βασικον καθοδιγιτικον δυναμι,

β) ι τοποθετισι τι ενεργιτικον δυναμιον τατινεθι τι πιρινα σα βασικα ραιονια τι Σοβετικυ Σινδεζμυ απο αποψιν τατινεθι τι καθοδιγισις,

γ) ι αναθρεψι τι χορετκυ ακτιβι τι νεολεας σο πνεθμαν τι εκσασφαλισις σο χοριον τι προλεταρικυ πολιτικις — αικα ινε τι σιρας τα προβλιματα τι Κομσομολι γενικα κε τι ΚΚ τι Κομσομολι ιδιετερα.

Αςυ εςς εμπροσταθε αα τα προβλιματα κε αςυ εχτελατα σιν ποριαν τι καθιμερινο τι δυλιασαθε, το Κομσομολ επορι να μι φοατε τα κινδινυς, τα οπια στεκνε σον ορομοναθε σο χοριον.

## Ο ΛΟΓΟΣΑΤ ΣΟ 5 ΠΑΝΣΙΝΔΕΖΜΙΚΟΝ ΣΙΝΕΔΡΙΟΝ ΤΙ ΚΟΜΣΟΜΟΛΙ ΣΑ 29 ΤΙ ΜΑΡΤ 1927

Σιντροφι! Επιτρεψτε να χερετοσας ασονομαν τι Κεντρικυ Κομιτετι τι κοματιεμυν. (Χιροκροτιματα). Επιτρεψτε να εκφραζο τιν επιθιμιαν, οτι θα επιτιχενετε σο διςχολον τιν δυλιαν τι οργανοσις κε τι πολιτικυ μορφοσις τι εργατο-αγροτικυ νεολεας τι μεμλεκετιεμυν. Το Κομσομολ σεμας παντα επεγνεν σα προτα τα γραμας τι αγωνισταδιονεμυν. Θα ελπιζομε, οτι το Κομσομολ θα στεκ κε σο μελον σα προ-

τα τα γραμμάς θα κρατι ιπείλα κε θα κοβαλι εμπροστα τιν  
ειμεαν τι σοσιαλιζμου. (Χιροκροτιματα). Κε ατορα ιστερα  
αρον χεριτιζμον, επιτρεπστε να περο σα διο ζιτιματα, για  
τα οπια πολλα κεν με τεμεν ομιλεσαν μερικι ασι σιντροφε-  
σουν τι κομφομολος.

Το προτον το ζιτιμαν εν το ζιτιμαν για το βιομιχανι-  
κον τιν πολιτικινεμυν. Ατο εν, οπος λει ο λογος, ζιτιμαν για τα  
εσοτερικα τα δυλιασεμυν. Κε το δεφτερον το ζιτιμαν εν το ζιτιμαν  
για τα επισοδια σο Νανκιν. Ατα ινε εργα εκσοτερικα διλαδι.

Σιντροφι! Το βασικον ι γραμι, απαν σο οπιον πρεπ να  
παι ι ιντυστριαμυν, το βασικον ι γραμι, το οπιον πρεπ να  
οριζ ολια τα παρακατο ποδαρεασαθε, ατο εν ι γραμι τι σισ-  
τιματικυ ολιγοστεματι τι κοστυς σο βιομιχανικον τιν προτυ-  
χσιαν, ι γραμι τι σιστιματικυ ολιγοστεματι τι οτυσκνοι τιμις  
σα βιομιχανικα εμπορεβματα. Ατο εν εκινο το κηριοτερον ο  
δρομος, απαν σο οπιον πρεπ να παι ι ιντυστριαμυν, εαν ατο  
θελ να αναπτιετε, εαν ατο δυναμον, εαν ατο θελ να κοβαλι  
αποπισαθε ταγροτικον το νικοκηριον, εαν ατο θελ να δυναμον  
κε να φαρδιν το θεμελιον τι σοσιαλιστικυ ικονομιασεμυν.

Απο πυ επαρθεν ατο ι γραμι;

Πυ κρατυν τα ετιας πυ οριζνε, οτι εν απαρετιτον κε  
σκοπιμον ατο ι γραμι;

Ατο ι γραμι οριςκετε τυλαχιστον με τεσερα βασικα ετιας.

Το προτον ι ετια κρατι σεκינו, οτι ι βιομιχανια, πυ βα-  
σιςκετε σα ιπείλα τα τιμαντας, κεν κε κεπορι να εν πρα-  
γματικον βιομιχανια, γιατι αικον βιομιχανια πρεπ αναποφεφ-  
χτα να φιτρον σε φιτον, το οπιον τρανιν μονον σε θερμον  
περιβαλον κε το οπιον κεςς κε κεπορι να εςς ικανοτιταν.  
Μονον ι βιομιχανια, πυ σιστιματικα ολιγοστεβ τα τιμαντας σα  
εμπορεβματα, μονον ι βιομιχανια, πυ βασισκετε σο σιστιμα-  
τικον ολιγοστεμαν τι κοστυς τι προτυχσιας, μονον ι βιομιχανια,  
πυ σιστιματικα καλιτερεβ, διλαδι, τιν παραγογιναθε, τιν τεχ-  
νιν κε τιν οργανοσιν τιν δυλιας, τα μεθοδους κε τα φορμας  
τα τα γραμμάς, θα κρατι ιπείλα κε θα κοβαλι εμπροστα τιν

τι οργανώσεις τι νικοκίρι-μόνον αίκον βιομηχανία χρίσσεκετεμας, γίατι μόνον ατο έπορι να αναπτίετε προς τα έμπρος κε μόνον ατο έπορι να δι σο προλεταριάτ ολοκληρωτικόν νικίν.

Το δεφτερόν ι έτια κράτι σέκίνο, οτι ι βιομηχανίαμυν βασίσεκετε σο εσωτερικόν τιν αγοράν. Εμίσ κεπορούμε κε κεχόμε δυνατότιταν να σίναγωνίσκουμες με τι καπίταλίστες σο εσωτερικόν τιν αγοράν. Το εσωτερικόν ι αγορά γία τέμετερόν τιν βιομηχανίαν εν το βασικόν ι αγοράθε. Αλα άπατο έβγεν, οτι ι βιομηχανίαμυν έπορι να αναπτίετε κε να δίναμον μόνον ατοσον, όσον θα αναπτίετε κε θα φαρδίν τέμετερόν το εσωτερικόν ι αγορά, ι χωρίτικοτίτα τάτινεθί τι αγοράς, το μαζικόν ι ζίτισί βιομηχανικόν έμπορεβμάτιον. Κε με τόπιον ορίσεκετε το φαρδίμαν τι εσωτερικύ αγοράσεμυν, το δίναμομαν τι χωρίτικοτίτασεθε; Ατο ορίσεκετε, αναμεσα' σάλα, με το σίστιματικόν ολίγοστεμαν τι τίμίσ σα βιομηχανικά έμπορεβμάτα δίλαδί με έκίνο το βασικόν τιν γραμίν τι αναπτίκίς τι βιομηχανίασεμυν, γία το όπιον ιπά άνωτέρα.

Το τρίτον ι έτια κράτι σέκίνο, οτι χωρίς το ολίγοστεμαν τι τίμίσ σα βιομηχανικά έμπορεβμάτα, χωρίς το σίστιματικόν άφτενίμαν τι βιομηχανικόν έμπορεβμάτιον, άνυνίγον εν να δίαφίλατομε έκίνα τα υςλοβίás, τα όπία ίνε χρίσιμα γία το παρχατο το άνίβαζμαν τι άπολάβίς (ζάρπλατα) τέργατιον. Το μέν πρότον, ι εργάτε ι ίδί ίνε καταναλότε τι βιομηχανικόν έμπορεβμάτιον κε έκσετίας ατο το ολίγοστεμαν τι τίμίσ σατα τα έμπορεβμάτα κεπορί να μί εςς σοβαρόν σίμασίαν γία το δίαφίλαγμαν κε το περίσεμαν τι ρεάλίστικύ άπολάβίς. Το μέν δεφτερόν, το ολίγοστεμαν τι τίμίσ σα βιομηχανικά έμπορεβμάτα ορίζ τιν στάθεροτίταν τι τίμίσ σα άγρωτικό-νικοκίριακα τα προίοντα, ντο γίνταν καταναλόσιν σα πολιτίας πρότα-πρότα άσί εργάτας, κε το όπιον κεπορί να μί εςς πολλά σοβαρόν σίμασίαν γία το δίαφίλαγμαν κε το περίσεμαν τι ρεάλίστικύ άπολάβίς τέργατιον. Έπορί-μί τέμετερόν το σοσιαλίστικόν το κράτος να μί περίσεβ σίστιματικά τιν άπολάβίν τέργατιον; Γίок, κεπορί. Αλα

απατο εδγεν, οτι το ριστιματικον ολιγοστεμαν τι τιμις ρα βιομηχανικα εμπορεβματα εν τζιπ αρα απαρειτα προιποθε-  
σια για το επιθετικον ανιβαζμαν τι επιπεδου τι ροις τεργατικου  
τι ταχσις.

Τελος, το τεταρτον ι ετια κρατι ρεκινο, οτι χωρις το  
ολιγοστεμαν τι τιμις ρα βιομηχανικα εμπορεβματα, εμις κεπο-  
ρυμε να διαφιλατομε εκινο τιν ριναφιαν αναμεσα ρο προλε-  
ταριατ κε τι χορετας, αναμεσα ριν ιντυστριαν κε το χορετ-  
κον το νικοχιριον, το οπιω αποτελι τιν βαριν τι διχτατοριας  
τι προλεταριατι ρο μεμλεκετνεμυν. Ερις εκρερετεν, οτι ο χο-  
ρετες ιπερπλιρον ρα βιομηχανικα εμπορεβματα — ριν μανυφα-  
κτυραν, ρα μιχανας κ. τ. λ. Ερις εκρερετεν, οτι ατο το περι-  
στατικον προκαλι ροδαρον ανεφχαριςτιριν αναμεσα ρι χορετας  
κε ριρκολεβ το μεγαλομαν ταγροτικου τι νικοχιρι. Κε απατο  
ντο εβγεν; Απατο εδγεν μονον εκινο, οτι εμις πρεπ να περα-  
νομε τιν πολιτικιν τι ριστιματικου ολιγοσταπεις τι τιμις ρα  
βιομηχανικα εμπορεβματα, εαν ερις πραγματικα θελομε να  
διαφιλατομε τιν ριναφιαν, το ρινδεζιμον τι εργατικου τι ταχσις  
κε τι χορετιον κε να αναπτιζομε παρακατο ταγροτικον το  
νικοχιριον.

Αλα ντο χριαρκετε για να εφταμε δυνατον κε τζιπ  
πραγματοπειριμον τιν πολιτικιν τι ολιγοστεματι τι κορτυς τι  
βιομηχανικου προτυκσιας κε τι οτυρεκνοι τιμις ρα εμπορεβμα-  
τα; Για τατο χριαρκουνταν: ριζικον καλιτερεπει τι τεχνις τι  
παραγογις, ριζικον καλιτερεπει τι οργανορις τι δυλιας ρα επι-  
χιριςια, ριζικον καλιτερεπει κε απλοπεις ολεν τι νικοχιριακω  
απαρατι, αποφαιριςτικον αγονας εναντιον ριν γραφιοκρατιαν τι  
νικοχιριακω απαρατι. Ολεν ατο ονομαρετε ρεμας ροριαλιςτικον  
ρατςιοναλιζατσια τι παραγογις κε τι διεφθιρις τι νικοχιρι. Ι  
βιομηχανιαμυν ερεβεν ραικον φαριν αναπτικρις, οντερ το ροδα-  
ρον το μεγαλομαν τι παραγογιςκοτιτας τι κοπου κε το ριστιμα-  
τικον ολιγοστεμαν τι κορτυς τι βιομηχανικω προτυκσιας,  
καταντυν αδινατα χωρις να εφαρμωζομε το νεον, το καλιτερον

τιν τεχνιν, χωρις να εφαρμολομε το νεον, το καλιτερον τιν οργανοσιν τι κοπυ, χωρις να απλοπιουμε κε να αφτεκνομε το νικοχιριακον απαρατνεμυν. Ολεν ατο χριαςσκετεμας οχι μονον να ανιθαζομε τιν παραγογικοτιταν τι κοπυ κε να κατιβαζομε τα τιμαντας σα βιομιχανικα εμπορεδματα, αλα κε για τεκינו, οστε εκινα τα εκσικονομισια, τα οπια περομε σατινεθι τιν βασιν, να διγοματα σο παρακατο το αναπτιγμαν κε το φαρδιμαν τι ιντυστριασεμυν.

Να γιατι χριαςσκετεμας το σοσιαλιστικον ι ρατσιοναλιζατσια τι παραγογικς κε τι διεφθινσις τι νικοχιρι.

Αετς πα γινετε αλιδα: να αναπτιζομε παρακατο τιν ιντυστριαν κεπορουμε, αν κι θα ολιγοστεβομε ριστιματικα το ιοστος τι βιομιχανικυ προτυκτιας κε τα οτπυσκνοι τιμαντας σα βιομιχανικα εμπορεδματα κε να ολιγοστεβομε πα τα τιμαντας σα βιομιχανικα εμπορεδματα κεν δυνατον χωρις να εποφελιουμες το νεον τιν τεχνιν, τα νεα τα φορμας σιν οργανοσιν τι δυλιας, τα νεα τα απλοπιμενα τροπος σιν διεφθινσιν τι νικοχιρι. Απαδακα εβγεν το ζιτιμαν για το σοσιαλιστικον τιν ρατσιοναλιζατσιαν τι παραγογικς κε τι διεφθινσις τι νικοχιρι οσαν εναν ασα απορασιςτικα ζιτιματα σο σινχρονον τιν περοδον.

Να γιατι εγο εθαρo, οτι το τελεφετον ι αποφαςι τι ΚΚ τι κοματιεμυν για τιν ρατσιοναλαζατσιαν τι παραγογικς κε τι διεφθινσις τι νικοχιρι εν εναν ασα πλεον σπυδεα αποφασια τι κοματιεμυν, τα οπια οριζε το βιομιχανικον τιν πολιτινινεμυν σο συμον τιν περιοδον.

Δεγνε, οτι ι ρατσιοναλιζατσια ζιτα μερικα προσορινα θιματα ασο μερος μερικον ομαδον εργατιον κε τι νεολεας πα. Ατο σοστον εν, σιντροφι. Ι ιστορια τι ρεβολιυτσιασεμυν λει, οτι σεμας υτε εναν μεγαλον ποδαρειαν εγεντον χωρις μερικα θιματα ασο μερος μερικον ομαδον τεργατικυ τι τακσις για τα σιφεροντα ολεν τι τακσις τεργατιον τι μεμλεκετιεμυν. Ας περομε εστο κε το εμφιλιον τον πολεμον, αν κε τατοριζνα τα ασιμαντα θιματα κεπορυνε με κανεναν τροπον να

γίνταν σινκρισιν με εκινα τα σοδαρα θιματα, τα οπια ιχαν μερος σεμας σιν περιοδον τι εμφιλιω πολερ. Εσις ελεπετεν, οτι εκινα τα θιματα υζε εκσαγορασκυνταν σεμας ατορα με το περαπαν. Κι χριασεκετε να αποδικομε, οτι κε τατοριζνα τα ασιμαντα θιματα θα εκσαγορασκυνταν σα συμα με το παραπαν. Να γιατι εγο εθιαρο, οτι εμεις κι πρεπ να σταματομε εμπροστα σα καπια ασιμαντα θιματα για το σιφεροντα ολεν τεργατικυ τι τακσις σο σινολοναθε.

Το κομσομολ παντα εστεκεν σεμας σα προτα τα γραμας τι αγωνισταδιονεμυν. Εγο κιχερο περιπτοσια, οντες ατο επεμινεν οπισ ασα επεισοδια τεπαναστατικυ τι ζοισεμυν. Εγο κιαμφιδαλο, οτι το Κομσομολ ατορα πα, σο ζιτιμαν τι περαζματι σιν ζοιν τι σοσιαλιστικυ ρατσιοναλιζατσιας θα πιαν τιν θεσιν, το οπιον τεριαζιατο. (Χιροκροτιματα).

Επιτρεπστε ατορα να περο σο δεφτερον το ζιτιμαν — σο ζιτιμαν για τα επεισοδια σο Νανκιν. Εγο εθαρο, οτι τα επεισοδια σο Νανκιν κε πρεπ να ιν για τεμας απροσδοκιτα. Ο ιμπεριαλιζμον κεπορι να ζι χορις βιας κε αρπαγας, χορις εμαν κε τυφεκιζμυς, για τατο εν κε ιμπεριαλιζμος. Για τατο τα επεισοδια σο Νανκιν κεπορυν να ινε για τεμας απροσδοκιτα.

Ντο λεγνε τα επεισοδια σο Νανκιν;

Πυ κρατι το πολιτικον ι σιμασιατυν;

Ατα λεγνε οτι σιν πολιτικιν τι ιμπεριαλιζμυ ερχινεσεν στροφι — στροφι ασο ενοπλον τιν ιρινιν σο ενοπλον τον πολερμον εναντιον σο κινεζικον τον λαον. Πριν ασα επεισοδια σο Νανκιν, ο ιμπεριαλιζμον εκοπιαζεν να χριφτ τα σκοπουσαθε με λιτανικα (γελεινιε) λογυς για τιν ιρινιν κε το μι ανακατομαν σα εσοτερικα τα δυλιας τι αλον μεμλεκετιον, με μασχαν „πολιτιζμυ“ (τσιβιλιζατσιας) κε „ανθρωποφιλιας“, με τιν Διγαν τι εθνον κ. τ. λ. Ιστερα ασα επεισοδια σο Νανκιν ο ιμπεριαλιζμον σκον κε σιρ τα λιτανικα τα λογυς κε το μι ανακατομαν, κε τιν Διγαν τι εθνον, κε οπιονδιποτε αλο

μασκαν. Ατορα ο ιμπεριαλισμον, εμπροστα σολεν τον κοζμον στεκ με αλεν τιν γιμνοτιταν ιλικρινυ αρπαγα κε τιρανω.

Σο πυρτζυαζικον τον πατσιφιζμον εντοχτεν εναν κιαλο καταστρεφτικον ντοσιμον. Γιατι, ντο επορου να αντιπαραθεκνε ι γλικοπισαλτι τι ιμπεριαλιστικυ πατσιφιζμυ επος το Πονχυρς, τι Πρειτςστευς κ. α. σο **φακτ** τι σκοτοματι τι κατικον τι Νανκιν, αναδα τα πσεφτικα τα πατσιφιστικα τα **καλα-τζιατυν**;

Σιν Λιγαν τι εθνον εδοχτεν εναν σιλεα κιαλο. Γιατι πιος, αναδα τι λακευς τι ιμπεριαλισζμυ επορι να λογαριαζ κανονικον εκينو το φακτ, οτι ο ενας ασα μελι τι Λιγας τι εθνον σκοτον τι κατικυς τι αλυ μελυς τι Λιγας τι εθνον κε ι ιδια ι Λιγα τι εθνον ανανκασκετε να τυλον, γιατι λογαριαζ πος ατο ατεναν κιαφορα.

Απεδιχτεν, οτι το κομανεμυν ιςσεν δικεον, οταν ελογαριαζεν το κεβαλεμαν τι στρατεματιον σο Σσανχαι οσαν προλογον τι πολεμικον επιθεσιον απαν σο κινεζικον τον λαον. Γιατι πιος, αναδα τι τιφλυς, επορι ατορα να μι ελεπ, οτι τα στρατεματα σο Σσανχαι εχριασκυσαν σον ιμπεριαλισμον για να περαν ασα „λογια“ σα „εργα“

Αικον εν ι σιμασια τι επισοδιον σο Νανκιν.

Ντιλεγα επορναν να εσαν τα σκοπυς τι ιμπεριαλιστιον, ι οπιι εριπσκοκινδινεπσαν σο νανκινικον τιν αθαντιυραν;

Ισος, αςυ εβγαλναν αποπανατυν τιν μασκαν κε εβαλναν σιν ιμερισιαν διατακσιν τιν αρτιλεριαν σο Νανκιν, ι ιμπεριαλιστ εθελναν να εκλοθαν τον τροχον τι ιστοριας, να εβαλναν το τελος τι επαναστατικυ κινιματι, το οπιον τρανιν σολια τα μεμλεκετια κε να σκαλονε αγοναν για να φερνε εκνευ εκينو το σχετικον τιν σταθεροπικσιν τι πανκοζμυ καπιταλισμυ, το οπιον ιςσεν μερος πριν ασον ιμπεριαλιστικον τον πολεμον. Ενοιτε, οτι ασον ιμπεριαλιστικον τον πολεμον ο καπιταλισμον εκσεθεν με αγιατρεφτα γεραδες. Γνωστον εν, οτι δεκα χρονια πριν ι εργατ κε ι χορετ τι ΣΣΣΡ εςσκισαν το

φροντ τι καπιταλι κε εκατεφεραν σατο αγιατρεφτον γεραν. Γνωστον εν, ατο το ιμπεριαλιστικον ο πολεμον εσιντα-  
ραχσεν τα βασια τι ιμπεριαλιστικη κυριαρχιας σα απικιακα κε  
εκαρτιμενα μεμλεχετια. Γνωστον εν, οτι με τα δεκα χρονια  
ιστερα ασον Οχτοβριν ι εργατ κε ι χορετ τι Κινας ερχινεσαν  
κιατιν να εσχιζνε το φροντ τι καπιταλι, κε κινε τιθεν βασια  
να υπολογιζ κανις, οτι ατιν κι θα εσχιζνατο ος το τελος.  
Κε ισα-ισα, ισος ι ιμπεριαλιστ εθελναν να επονκιζνε ολεν  
ατο με εναν ντοσιμον κε ναρχινυνε „νεον εελιδαν ιστοριας“.  
Κε εαν ατιν πραγματικα εθελναν ατο, πρεπ να αναγνωριζομε,  
οτι ατιν εντοκαν με το δαχτυλον στον υφανον. Γιατι μονον ι  
ανθρωπ, πυ ερυκσαν σα μορεσσια, επορυν να νυνιζνε, οτι τα  
νομυς ταρτιλεριας ινε δυνατοτερα ασα νομυς τι ιστοριας, οτι  
επορι κανις να κλοθ οκσοπισ τον τροχον τι ιστοριας με τα  
εισιματα σο Νανκιν.

Ισος ι ιμπεριαλιστ, οταν εσινναν σο Νανκιν, εθελναν με  
τατο να φοβεριζνε τα καταπιεζομενα λαυς τι αλον μεμλε-  
χετιον, τα οπια ορμυν σιν ελεφθεριαν, οσαν πος να λενατα:  
για τεσας το μιασιαλ σο Νανκιν λεχκετε. Ατο κσαι κεθγεν  
ασιν μεσεν, σιντροφι. Ι πολιτικι τι φοβεριζματι ες τα βασια-  
θε σιν ιστοριαν τι ιμπεριαλιζμυ. Αλα, οτι ατο ι πολιτικι  
κιακιζ κε κι κατορθον τα εκοπυσαθε, σατο νε μινκιν να εν  
αμφιβολια. Ατο τιν πολιτικιν επιτιχιμενα εφαρμωζενατο στον  
κεροναθε κε το ρυρικον ο τσαριζμυς. Αλα πυ ετελιωσεν;  
Εσις κεκσερετε, οτι ατο ετελιωσεν σο ολοκληροτικον τιν χρεο-  
κοπιαν τι τσαριζμυ.

Ισος, επιτελυς, ασυ εσινναν σο Νανκιν, ι ιμπεριαλιστ  
εθελναν να κρυγνε το κινεζικον τιν ρεβολιυτσιαν ισα σιν καρ-  
διαναθε κε να εφταγνε αδυνατον, κατα προτον, το παρακατο  
το προχοριμαν τι νοτιον στρατεματιον κε τιν ενοςιν τι Κινας  
κε, εκδεφτερυ, τιν πραγματοποιιςιν εκινον τι σινενοισιον για  
τα κοντσεσιας, τα οπια εγενταν σο Χανκου. Ατα εν πολο  
πιθανον κε ισος αςολεν εστον. Οτι ι ιμπεριαλιστ κι θελνε ενισαν

Κιναν, κε προτιμυν να εχνε διο Κινας, „επιτιχιμενα“ για να μανεδραριζνε — για τατο υζζε ελεχταν καμποσα φορας σο πυρζζυαζικον τον τιπον. Οσον αφορα τι Σσανχαι κε ταλα τα κοντζεσιας, κεν κανεναν αμφιβολια, οτι πολι ασι ιμπεριαλιστας „κι συμπαθυν“ εκιαν τα υςλοβιας, τα οπια επεκσεργασταν κε επικιροθαν σο Χανκου. Κε να, αςυ επιροβολαναν σο Νανκιν, ι ιμπεριαλιστ, οπος φενετε, εδελναν να ελεγαν με τατο, οτι ατιν προτιμυν να εφταγνε σο μελον σινενοισιν με το εθνικον τιν κιβερνισιν με τιν πιεσιν κε με το ακομπανεμεντ τι αρτιλεριας — αιχα ινε τα μυσιχα γυστα τι ιμπεριαλιστιον. Το οτι ατο το παρακσενον ι μυσιχι ομιαζ τιν μυσιخين τι κανιβαλον, ατο, ος φενετε, κι παραζαλιζ τι ιμπεριαλιστας. Θα καταρθονε-μι ατιν τα σκοπυσατυν, ατο θα δικιατο σα συμα το μελον. Πρεπ, ομος να σιμιονομε, οτι ατιν εκατορθοσαν προς το παραν εναν: να θαθιν το μισος αναμεσα σι κινεζυς εναντιον σον ιμπεριαλιζμον, να ενυνταν τα δυναμια τι Γομιντανι κε να γινετε νεον μετακινισι τι ρεβολιυτςιονικυ κινισις σιν Κιναν σα αριστερα.

Αμφιβολιαν κι σκον, οτι τα αποτελεζματα προςοτ παρον ινε αντιθετα.

Αετς πα εβγεν, οτι αςυ επιροβολαναν σο Νανκιν, ι ιμπεριαλιστ εσκοπεβαν εναν, ενο σιν πραγματικοτιταν εγεντον αλο, κε εγεντον κατ το αντιθετον ασεκينو, το οπιον εσκοπεβαν ατιν.

Αιχα ινε τα αποτελεζματα κε τα περσπακτιβια τι επισοδιον σο Νανκιν.

Αιχον εν ι πολιτικι τι σοφον ασο κονσερβατιβικον το λαγερ.

Νιαφιλιαν κελεχτεν, οτι εκινος, τιναν ο θεον καταδικαζ σιν καταστροφιν, χαν κε τον νυνατυν. (Θιελοδικα χιρο-κροτιματα, πολα κερων κι σταματυν).

---

# Ο ΛΟΓΟΣΑΤ ΣΟ 8 ΠΑΙΣΙΝΔΕΖΜΙΚΟ ΣΙΝΕΔΡΙΟΝ ΤΙ ΚΟΜΣΟΜΟΛΙ ΣΑ 16 ΜΑΙΥ 1928

Σιντροφι! Σινιθος σα σινεδρια λεγνε για τα' προοδus. Σκυφεν κε σκον, οτι εμης προοδus εχομε. Ατα τα προοδυσε-  
μυν, βεδεα, μικρα κινε, κε να κριφτοματα κεν ανανχι. Αλα,  
σιντροφι, σεμας σα τελεφτεα ερχινεσαν να λεγνε για τα προοδus  
ατοςον πολα, κε καποτε ατοςον ανοστα, οστε χατε ολεν το  
χαδας να επαναλαθεν κανις εκινα, πυ ελεχταν. Για τατο  
επιτρεψτεμε να παραβιαζο το γενικον τιν τακσιν κε να λε-  
γοςας χαμποςα λογια οχι για τα προοδυσεμυν, αλα για τα  
αδυναμιασεμυν κε τα καθικονταμυν σχετικα με τατα τα αδυναμιας.

Εγο εχο υποψιν, σιντροφι, τα καθικοντα πυ περιλαμβα-  
νε τα ζιτιματα τι εσοτερικυ χτισιματιεμυν.

Ατα τα καθικοντα αφορυν τρια ζιτιματα: το ζιτιμαν  
για τιν γραμιν τι πολιτικυ τι δουλιασεμυν, το ζιτιμαν για το  
ανιβαζμαν τι ενεργιτικοτητας σα πλατεα λαικα μαζας γενικα,  
σο εργατικον τιν τακσιν ιδιετερα, κε τον αγοναν εναντιον  
σιν γραφιοκρατιαν κε, τελος, το ζιτιμαν για τιν επεξεργασιαν  
νεον στελεχιον τι νικοκριακιν χτισιματιεμυν.

## ΔΙΝΑΜΟΣΤΕ ΤΟ ΜΑΧΙΤΙΚΟΝ ΤΙΝ ΕΤΙΜΑΣΕΑΝ ΤΕΡΓΑΤΙΚΥ ΤΙ ΤΑΚΣΙΣ

Ας αρχινουμε ασο προτον το ζιτιμάν. Το χαραχτιριστι-  
κον ι γραμι τατοριζνυ τι περιοδy κρατι σεκινo, οτι εμης υζε  
5 χρονια χτιζομε σα υσλοβιας τι ιρινικυ αναπτικσις. Εγο λεγο  
για το ιρινικον τιν αναπτικσιν οχι μονον με ενιαν, οτι λιπι ο  
πολεμον με τι εκσοτερικυς εχθρυς, αλα κε με ενιαν, οτι λιπυν  
κε τα ρστιχια τι εμφιλιυ πολεμ απεσ σο μεμλεκετ. Ατο εν ντο  
ονομαετε σεμας υσλοβια τι ιρινικυ αναπτικσις τι χτισιματιεμυν.  
Εσις εκσερετεν, οτι εμης επολεμαναμε τρια χρονια εναντιον σι  
καπιταλιστας ολεν τι κοζμι για να καταχτομε ατα τα υσλοβιας  
τι ιρινικυ αναπτικσις. Εσις εκσερετεν, οτι εμης ατα τα υσλοβιας

εκατεχτισαματα κε εις ατο λογαριαζοματο παρα πολλα μεγαλον επιπιχianeμυν. Αλτ, σιντροφι, καθεναν καταχτισι, οπος κε ατο ι καταχτισι, ες κε ταρνιτικα τα ειμιαθε. Τα υςλοβιας τι ιρινικυ χτισιματι κεπερασαν δορεαν για τεμας. Ατα εβαλαν τιν θυλανιτων σιν δυλιανεμυν, σι δυλεφταδασεμυν, σιν ψυχολογιανατων. Σατα τα πεντε χρονια απες εφχολα επεναμε εμπροστα, οπος απαν σα ρελσια. Σχετικα με τατο εδιμιωργεθεν σε πολυς δυλεφταδεσεμυν διαθεσι, οτι ολια θα πανε αμον ελαδ, οτι εις καθυμες αμαν-αμαν απαν σο εκστρενι το πρενον, κε παμε απαν σα ρελσια ισα, χωρις περεσιατχας, σον σοσιαλιζμον. Απαν σατο τιν βασιν ετρανινεν ι θεωρια, τι „σαμοτιοχι“, ι θεωρια „αβοςνεπος“, ι θεωρια, οτι ολια γινταν τι κιφαλιατων, οτι σεμας κινε τακσια, ι τυςσμανεμυν ισιχασαν κε ολια θα πανε σεμας οπος εν γραμενον. Απατο εβγεν καπιον ειρσιμον σιν αδρανιαν, σο κιμιζμαν. Αρ ατο ι ψυχολογια τι κιμιζματι, ατο ι ψυχολογια τι σαμοτιοχι σιν δυλιαν ατο αποτελι ταρνιτικον το μερος τι περιουδι τι ιρινικυ αναπτικσις.

Πυ κρατι ο κινδινον ασαικα διαθεσια; Σεκινο, οτι ατα θολονε τοματια τεργατικυ τι τακσις, κι δυνατο να τερι κε χωριζ τι τυςσμαντσαθε, αποκιμιζνατο με τα κυρφεφτζιαρκα τα καλατζια για τιν αδυναμιαν τι τυςσμανεμυν κε διασπανε το μαχιτικον τιν ετιμασεαναθε.

Κι πρεπ να κατισιχαζομε το εαφτονεμυν, οτι σο κομανεμυν ινε 1 εκατομιριον μελι, σο Κορσομολ — 2 εκατομιρια, σα προφσογιωζια — 10 εκατομιρια, — οτιω με τατο ολια εκσαςφαλισταν για το τελιοτικον τιν νικιν απαν σι εχθρυς. Ατο κεν σοστον, σιντροφι. Ι ιστορια λει, οτι ασολεν τα μεγαλιτερα στρατυς εκαταστρεφχυσαν ασεκινο, οτι ιπεριφανεφκυταν, τζιπ πολλα επιστεβαν σα δυναμιατων, τζιπ ολιγον ελογαριασχυσαν με τιν δυναμιν τι τυςσμανιον, επαραδοχχυσαν σο κιμιζμαν, εχαναν το πολεμικον τιν ετιμασεαν κε σε κριτικον στιγμιν εσαν απροετιμαστι. Ασολεν το τρανον το κομαν επορι ναπομεν απροετιμαστον, ασολεν το τρανον το κομαν επορι να

καταστρεφκετε, εαν ατο κι θα περ ιπαοψιν τα μαθηματα τι ιστοριας, εαν ατο κι θα γανον ασιν ιμεραν σιν ιμεραν το μαχιτικον τιν ετιμασεαν τι τακσιςαθε. Να εν κανις απροετιμαστος πολα επικινδινον δυλιαν, εν σιντροφι. Να εν κανις απροετιμαστος, ατο σιμεν να γινετε θιμαν τι “απροσδοχιτον,” ,θιμαν τι πανικυ εμπροστα σον εχθρον. Κε ο πανικον οδιγα σινδιαλισιν, σο νικεμαν, σιν καταστροφιν. Εγο επορνα να ιστοριζασας πολα παραδιγματα ασιν ζοιν τι στρατεματιονεμυν σον κερων τι εμφιλιω πολεμ, οντες τα μικρα ταγματα εκατεστρεφαν μεγαλα στρατιοτικα σινδεζμυς, εαν ατα τα στρατιοτικα σινδεζμυς κιχαν το χριαζουμενον το πολεμικον τιν ετιμασεαν. Εγο επορο να ιστοριζοσας προς σο 1920 εναν πεζον παταλιον εκατεστρεπσεν κε ανανκασεν να φεδνε χωρις κανεναν τακσιν τρια καθαλαρικα τιβιζιας, τα οπια ιχαν οχι ολιγοτερον ασα 5 χιλιαδες σπαθια, μονον πυ τα καθαλαρικα τιβιζιας εσαν απροετιμαστα, εσινεσεβανατα ο πανικον εμπροστα σον εχθρον, τον οπιον κεκσεραν, ο οπιος ετον ολιγοαριθμωσ κε τον οπιον επορναν να εφταγνατον φτερα κε φιλα με εναν ντοσιμον, εαν ατα τα τιβιζιας κι θα εβριωσαν σε κατασταςιν κιμιζματι.

Το ιδιον πρεπ να λεγομε κε για το κομανεμυν, για το Κομσομολνεμυν, για τα προφσογιωζιαμυν, για τα δυναμιαμαν γενικα. Κεν σοστον, οτι σεμας υζζε κινε τακσικι εχθρι, οτι ατιν εχτιπεθαν κε ελικθιταριγαν. Γιок, σιντροφι, ι τακσικι εχθριεμυν ιφιστοντε. Κε οχι μονον ι φιστοντε, αλα τρανινε κε δοκιμαζνε να σκυνταν εναντιον σο σοβετικον τιν εκσυσιαν. Ατο μαρτιρυνατο τα διεκολιασεμυν σα ζαγοτοβκας τον χιμοναν αυτο τι χρονιας, οντες τα καπιταλιστικα στιχια τι χορι εδοκιμασαν να χαλανε τιν πολιτικιν τι σοβετικυ εκσυσιας. Ατο μαρτιρατο το Σσαχτινσκι ι ιποθεσι, το οπιον εν εκδιλοσι τι κινυ διςτυπλενιας τι πανκοζμιω καπιταλι κε τι πυρζζυαζιας σο μερλεκετνεμυν εναντιον σο σοβετικον τιν εκσυσιαν. Ατο μαρτιρυνανο πολιαριθμα φακτια ασιν περιοχιν τι εσοτερικυ κε εκσοτερικυ πολιτικισεμυν, τα οπια σεσας ινε γνωστα κε για

τα οποια κεν ανανκι να λεγο αδακα πολλα. Να σιοπυμε για τατουνος τι εχθρους τεργατικυ τι τακσις κι γινετε. Να ολιγοστεβομε τα δυναμια τι τακσικον εχθρον τεργατικυ τι τακσις εν κακυργιμαν. Να σιοπυμε για ολια ατα κι γινετε, ιλιαμ ατορα, σιν περιοδον τι ιρινικυ αναπτικσιςεμυ, οντες ι θεωρια τι κιμιζματι κε τι σαμοτιοκι, το οπιον διασπαν το μαχιτικον τιν ετιμασεαν τεργατικυ τι τακσις, βασισσχετε σα καπιον εδνοικον εδαφος. Το μεγαλον διαπεδαγογικον ι σιμασια τι κρισις σα ζαγοτοδκας κε τι Σσαχτινски υποθεσις κρατι σεκινο, οτι ατα ετινακσαν ολια τοργανοσιαμυν, εσιραν ζον αεραν τιν θεωριαν τι σαμοτιοκι, κε μιαν κιαλο υπογραμσαν, οτι ινε ζον παρον τακσικι εχθρι, ι οπιι ιφιστοντε, ι οπιι κι κιμυνταν κε εναντιον σι οπως πρεπ να δυναμονομε τα δυναμια τεργατικυ τι τακσις, τιν διορατικοτιταναθε, τιν επαναστατικοτιταναθε, το μαχιτικον τιν ετιμασεαναθε.

Απαδακα εδγεν τι σιρας το προβλιμαν τι κοματισεμυν, το πολιτικον ι γραμι τι καθιμερινυ δυλιασαθε: να ζκον το μαχιτικον τιν ετιμασεαν τεργατικυ τι τακσις εναντιον σι τακσικυς εχθρουσαθε.

Κι γινετε να μι σιμιονο, οτι αυτο το σινεδριον τι Κομσομολι, κε ιλιαμ ι «Κομσομολσκαγια Πραβτα» εσυμοσαν ατορα περισοτερον παρα καθε αλο φοραν σατο το προβλιμαν. Εσις εκσερετε, οτι σα λογια τι ριτορον, οπος κε σα αρθρα τι «Κομσομολσκαγιας Πραβτας» σιμιυτε ι σπυδεοτιτα τατινεθι τι προβλιματι. Ατο τζιπ καλον εν, σιντροφι. Πρεπ μονον ατο το προβλιμαν να μι λογαριαζετιατο προσορινον κε αγλιγοροπεραστον προβλιμαν, γιατι το προβλιμαν τι δυναμοματι τι μαχιτικυ ετιμασεας τι προλεταριατι εν εκινο το προβλιμαν, το οπιον πρεπ να εμποτιζ ολεν τιν δυλιανεμυν, ος οτου ινε τακσια σα μεμλεκετνεμυν κε ος οτου εχομε καπιταλιστικον περικικλοσιν.

---

## ΟΡΓΑΝΟΣΤΕ ΜΑΖΙΚΟΝ ΚΡΙΤΙΚΙΝ ΑΠΟΦΚΑ

Το δεφτέρον το ζιτιμαν αφορά τα προβλήματα τι αγονα εναντιον σιν γραφιοκρατιαν, τα προβλήματα τι οργανοσις μαζικυ κριτικισ τι ελιπσιονεμον, τα προβλήματα τι οργανοσις μαζικυ κοντρολ αποφκα. Ενας ασι πλεον σκληρος τυςζμαντς τι προχερεματι εν ι γραφιοκρατια. Ατο ζι σολια τα οργανοσιαμυν: εμ σα κοματικα, εμ σα κομσομολικα, εμ σα προφσογιωζικα, εμ σα νικοχιριακα. Οντες λεγνε για τι γραφιοκρατας, σινιθος δικνε με το δαχτιλονατυν σι παλευς πεσπαρτινι τζινοβνικυς, ι οπι ινε απικονιζμέν σεμας, σινιθος σα χαρικατυρας οπος ανθρωπ με τα ματογιαλια (γελος). Ατο κεν τζιπ σοστον, σιντροφι. Εάν ι δουλια ετον μονον για τι παλευς γραφιοκρατας, ο αγονας εναντιον σιν γραφιοκρατιαν θα ετον ασολεν εφκολον δουλιαν. Το κακον εν, οτι ι δουλια κεν σι παλευς γραφιοκρατας. Ι δουλια, σιντροφι, εν σι νευς γραφιοκρατας, ι δουλια εν σι γραφιοκρατας, πυ σιμπαθον το σοβετικον τιν εκσυσιαν, επιτελυσ, ι δουλια εν σι γραφιοκρατας ασι κομμυνιστας. Ο κομμυνιστον — ο γραφιοκρατις εν ασολεν φοδερον τιπος γραφιοκρατι. Γιατι; Διοτι ατος κριφτ αφκα σιν μασκανατ τον γραφιοκρατιζμονατ με τιν ονομασιαν — μελος τι κοματι. Κε αικ κομμυνιστ γραφιοκρατ σεμας, διςτιχος, ολιγ κινε.

Επαρτεν τα κοματικα οργανοσιαμυν. Εσις πιστεβο, θα εδεβασειτεν για το Σμολενκι τιν δουλιαν, για το Αρτιομοδσκι τιν δουλιαν κ.τ.λ. Ντο, ατο τιχεον εν; Πος εκσιγιουνταν ατα τα επισχιτα δουλιας τι διαλισις κε τι καταστροφισ τι ιθικισ σα καπια χαλχαδες τι κοματικον οργανοσιονεμυν; Αετς, οτι τιν μονοπολιαν τι κοματι ενκανατο σε ανοισιαν, εκοφοσαν τιν φονιν τι κατοτερον, εκμιδενισαν το εσοκοματικον τιν διμοκρατιαν, ετεριατεπσαν τιν γραφιοκρατιαν. Πος πρεπ να πολεμουμε εναντιον σατο το κακον; Εγο εθιαρο, οτι τιδεν αλο μεσα εναντιον σατο το κακον κιν κε κεπορυν να ιν ανεβ τιν οργανοσιν κοντρολ τι κοματικον μαζον αποφκα, ανεβ το ενφιτεβ-

μαν τι εσοχοματικη δημοκρατιας. Ντο επορευμε να αντιλεγουμε εναντιον σεκινο, οτι πρεπ να σεκονομε τιν λισαν τι κοματικον μαζον εναντιον σε παραλιμενα τα στιχια κε να αφινοματα να διοχνε μακρα αιχα στιχια; Κεπορι κανις να αντιλει εναντιον σεατο.

Γιαχοτ, λ.χ., σε περομε το Κομσομολ. Εσις, σεβεα κιαρνιστυν οτι καπυ-καπυ σε Κομσομολ ινε τζιπ παραλιμενα στιχια, εναντιον σε οπια εν απολιτα απαρετιτον το ανιλεον ο αγονας. Αλα σε αφινομε σε γιαν τι παραλιμεντς. Σε περομε το τελεφετεον φακτ τι πεσπριντςιπνι ομαδικυ αγονα απεσ σε Κομσομολ ολογερα σε προσοπα τι αγονα, πυ φαρμακον τιν ατμοσφεραν σε Κομσομολ. Πος εκσιγιετε, οτι „κοσαρεβτςι“ κε «σεπολεβτςι» οσον θελετε ινε σε Κομσομολ, αλα τι μαρκιστας ανανκασσεκεσε ναραεφσατς με το κεριν σε σεερ; (Χιροκροτιματα).

Για τοπιον λει ατο το φαικτ, αν οχι για το οτι σε καπια χαλχαδες τι καθοδιγισις τι Κομσομολι γινετε πρωτσεσον γραφιοκρατικυ ποροσις (σεακοστενενιε).

Κιαμ τα προφσεγιυζια; Πιος θαρνιετε, οτι γραφιοκρατια σε προφσεγιυζια οσον θελετε εν; Εμις εχομε παραγογικα σεσεκεπσια σε επιχιρισια. Εμις εχομε προσορινα ελενχτικα επιτροπας σε προφσεγιυζια. Το προβλιμαν ατονον τοργανοσιον κρατι σεκινο, οτι πρεπ να γνεφιζνε τα μαζας, να εβγαλνε σε μειταν τα εκσευκλυκιαμυν κε να σεχειαζνε τα δρομια τι καλιτερεπσις τι χτισιματιεμυν. Γιατι ατα τα οργανοσια κιαναπτιυνταν σεμας; Γιατι ατυπες κι βραζ ι ζοι; Κεν-μι γνωστον οτι ι γραφιοκρατια σε προφσεγιυζια κε ι γραφιοκρατια σε κοματικα οργανοσια κιαφινε να αναπτιυνταν ατα τα σεπυδεοτερα οργανοσια τεργατικυ τι τακσις;

Τελος τα νικοκριακα οργανοσιαμυν. Πιος θαρνιετε, οτι τα νικοκριακα οργανοσιαμυν κιποφερνε αςιν γραφιοκρατιαν Επαρτεν εστο κε τσ Σεαχτινςκι τιν ιποθεσιν. Μιαερ το Σεαχ-

τινςκι ι ιποθεσι κι λει, οτι τα νικοκριακα οργαναμυν κι πανε εμπροστα, αλα τζοκανιυνταν, τραβιυνταν;

Πος πρεπ να θαλομε τελος σιν γραφιοκρατιαν σολια ατα τα οργανοσια;

Για τατο εν μονον εναν μοναδικον οδρομος: ι οργανοσι κοντρολ αποφκα, ι οργανοσι τι κριτικις τι εκατομιριον μαζον τεργατικυ τι τακσις εναντιον σιν γραφιοκρατιαν τι καθιδριμα-τιονεμυν, εναντιον σα εκσυκλυχιατυν, εναντιον σα λαθιατυν

Εγω εκσερο, οτι ασυ σκονομε τιν λισαν τι εκατομιριον μαζον εναντιον σα γραφιοκρατικα διαστρεβλοςια τι οργανοσιονε-μυν, ανανχα;κυμες καποτε να κρυομε κε καπιυς σιντροφσεμυν, ι οπιι εχνε σο παλεον ακσιας, αλα ι οπιι ατορα ιποφερνε απο γραφιοκρατικον αροστιαν. Αλα επορι-μι ατο να σταματα τιν δυλιανεμυν σο οργανομαν κοντρολ αποφκα; Εγω εθιαρο οτι κεπορι κε κι πρεπ. Για τα παλεα τα ιπιρεσιας πρεπ να κλιςκυμες σο γονατον, αλα για τα νεα τα λαθι κε τα γρα-φιοκρατιζμυς επορναμε να εντυναματς εναν σιλεαν σιν κοι-λαν. (Γελος, χειροκροτιματα). Κε ποσ αλεος; Γιατι ατο να μι εφταματο εαν ατο απετυνατο τα ιντερesia τι δυλιας;

Λεγνε για τιν κριτικιν αποπαν, για τιν κριτικιν ασο ΡΚΙ ασο ΚΚ τι κοματιεμυν κ.τ.λ. Ολια ατα βεβεα καλα ινε. Αλα ατο ακομαν και κι κανιτε. Κιαλο/ςσιρ, το κιοριοτε-ρον ατορα σατο κι κρατι. Το κιοριοτερον ατορα κρατι σεκינו, οτι πρεπ να σκονομε τζιπ πλατιν ταλγαν κριτικις αποφκα εναντιον σιν γραφιοκρατιαν γενικα, εναντιον σα εκσυκλυχια τι δυλιασεμυν ιδιετερα. Μονον ονταν οργανονομε διπλον πιεστι-ριον — εμ αποπαν, εμ αποφκα, μονον οταν θα μεταθετομε το κεντρον τι βαριτιτας σιν κριτικιν αποφκα, επορυμε να ιπο-λογιζολε σο επιτιχιμενον τον αγοναν κε σο κσεριζομαν τι γραφιοκρατιας. Θα ετον λαθος να ενυνιζαμε, οτι πιραν χτισι-ματι εχνε μονον ι καθοδιγिताδς, Ατο κεν σοστον, σιντροφι. Τα εκατομια μαζας τεργατιον πυ χτιζνε τιν βιομιχανιανε-μυν, σιςορεβνε ασιν ιμεραν σιν ιμεραν πιραν τισιματι, το

οπιον ακσιζ για τεμας οχι ολιγοτερον ασιν πιραν τι καθοδιγι-  
ταδιον. Το μαζικον ι κριτικι αποφκα, το κοντρολ αποφκα,  
χριασκυντανεμας, σε αλα αναμεσα, για τεκινο, οτι ατο ι πιρα  
τι εκατομριον μαζον να μι χάτε τι καχυ, για να υπολογι-  
σκετε κε να εφαρμουςκετε σιν ζοιν.

Απαδακα τι σιρας το προβλιμαν τι κοματι εν: το  
ανιλεον ο αγονας εναντιον σιν γραφιοκρα-  
τιαν ι οργανοσι μαζικυ κριτικισ αποφκα το υτ-  
ζοτ τατινεθι τι κριτικισ σε πραχτικα αποφα-  
σια για το διορθομαν τι εκσυκλυκιονεμυν.

Κεπορυμε να λεγομε, οτι το Κομσομολ κε ιλιαμ ι  
„Κομσομολσκαγια Πραβτα“ κηπολογισαν τιν σποδεοτιταν τατι-  
νεθι τι προβλιματι. Το εκσυκλυκ αδακα κρατι σεκινο, οτι σιχνα  
ι εκτελεσι τατινεθι τι προβλιματι κη φερκετε ος το τελος. Κε για  
να φερκετε ος το τελος, πρεπ να υπολογιςκετε οχι μονον ι κρι-  
τικι, αλα κε ταποτελαζματα τι κριτικισ, αλα κε εκινα τα καλιτε-  
ρεπσια, τα οπι απερανε σιν ζοιν ος αποτελεζμαν τι κριτικισ.

---

## Ι ΝΕΟΛΕΑ ΠΡΕΠ ΝΑ ΚΑΤΑΧΤΑ ΤΙΝ ΕΠΙΣΤΙΜΙΝ

Το τριτον το προβλιμαν αφορα το ζιτιμαν τι οργανοσις  
νεον στελεχιον τι σοσιαλιστικυ χτισιματι.

Εμπροσταμυν, σιντροφι, στεκνε παραπολα μεγαλα προ-  
βλιματα τι ανασινχροτισις ολεν τι λαικυ νικοχιριεμυν. Σαγρο-  
τικον το νικοχιριον εμης πρεπ να βαλομε το θεμελιον τι  
μεγαλυ ενομενυ κινονικυ νικοχιριυ. Ασο σιμερνον τιν οπρα-  
σενιαν τι σιντροφον Μολοτοβ κε Παυμαν σεσας πρεπ να εν  
γνωστον, οτι το σοβετικον ι εκσυσια βαλ τζιπ δικολον προ-  
βλιμαν να ενον τα μικρα, διασκορπιμενα χορετκα νικοχιρια  
σε κολεχτιβια κε να διμιουργα νεα μεγαλα σοβετικα νικοχιρι,  
πσομι. Ατα ινε αικα προβλιματα, τα οπια χορις να λιυνταν  
κεπορυμε σοδαρα κε αηλιγορα να παμε εμπροστα. Εαν σιν ιντυ-  
στριαν το σοβετικον ι εκσυσια βασισκετε ασολεν σε μεγαλον κε σε  
κεντρικοπιμενον τιν παραγογιν, σε αγροτικον νικοχιριον βασισ-

κατε ασολεν σο διασκορπιμενον κε μικρον χορετκον νικοχιριον, το οπιον εν μισοεμπορεβματικον κε το οπιον δι πολλα ολιγο-  
τερον εμπορεβματικον πσομιν, παρα το προπολεμικον νι-  
κοχιριον, αν κε επετιχαμε τα προπολεμικα νορμας τι  
εχταςιον τι σπορας. Ατυχα εν ι βασι για καθε ιδυς πιθανα  
δισκολιας σα χλεποζαγοτοβκας σο μελον. Για να εβγενομε απα-  
το τιν καταστασιν, πρεπ να καταπιασκυμες σινεντελιαν με  
τιν οργανοσιν μεγαλυ κινονικυ παραγογισ σαγροτικον το νικο-  
χιριον. Αλα για να οργανονομε μεγαλον νικοχιριον, πρεπ να  
εκσερομε τιν επιστιμιν για ταγροτικιον το νικοχιριον. Κε για  
να εκσερομε πρεπ να μαθανομε. Ανθρωπς, πυ να εκσερνε  
τιν επιστιμιν για ταγροτικον το νικοχιριον, емис εχομε τζιπ  
ολιγυς. Απατυχα εβγεν το προβλιμαν — να διμιουργιουνταν νεα  
στελεχια χτιστε τι νευ κινονικυ αγροτικυ νικοχιρι.

Σιν διομιχανιαν ι δουλια εν πολλα καλιον. Αλα αδαχα  
πα το εκσυκλυκ σα νεα στελεχια χτιστας εμποδιζ το προ-  
χοριμανεμυ. Εφταν να θυμες το Σσαχτινски τιν ιπολιπσιν,  
για να εγρικυμε ολεν τιν οκσιτιταν τι ζιτιματι για τα νεα  
στελεχια χτιστον τι σοσιαλιστικυ ιντυστριας. Βεβεα, емис εχο-  
με παλευς σπετσιαλιστας σο χτισιμον τι βιομιχανιας. Αλα,  
προτον ατιν ολιγ ινε σεμας, δεφτερον, ολιατυν κι θελνε να  
χτιζνε το νεον τιν διομιχανιαν, τριτον, πολι απεκινυς κεγρι-  
κυνε τα νεα τα προβλιματα τι χτισιματι, τεταρτον, σιμαντικον  
μερος ασεκινυς υζζε εγερασαν κε περανε σο τιραζζ.

Για να κυντυμε εμπροστα τιν δουλιαν, πρεп να διμιур-  
γυμε με αγλιγορτα τεμπια νεα στελεχια σπετσιαλιστυς ασι  
ανθρωпς τεργατικυ τι τακσις, ασι κομυνιστας. Προθιμι να χτι-  
ζνε κε να καθοδιγυν το χτισιμον, σεμας ινε πολι, οπος  
σαγροτικον το νικοχιριον, αετς πα κε σιν βιομιχανιαν. Αλα  
ανθρωп, πυ να εγρικυν να χτιζνε κε να καθοδιγυν, σεμας  
ινε τζιπ ολιγ. Κε απεναντιας, ι αγρικοςινια σατο τιν περιο-  
χιν εν σκοτια πικα. Κιαλο περισον, σεμας ινε ανθρωп, πυ  
ινε еτιμι να ιμνυν τιν αμορφосινιανεμυ. Εαν εσι ιζε αγρα-

ματος γιαχού κι γραφς ορθά κε υπερφανεφκεσε με τιν καθις-  
τερικς, ες ις εργάτες ας „στανοκ“, σεεν τιμι κε σεβας.  
Εαν ες εκσεθς αςιν αμορφοςιαν, εμαθς γραματα, εκατεχτι-  
σες τιν επιστιμιν, ις κςενος, „απεκοπες“ ας μαζας, επαπ-  
σες να ις εργάτις. Εγώ εθιαρο, οτι εμς κι θα προχορουμε  
υτε εναν ποδαν, ος ου κι θα εδγαλομε ατο τιν βαρβαροτι-  
ταν κε τιν αγριοτιταν. Τεργάτικον ι τακς κεπορι να γινετε  
καθεαφτω νικοχιρς τι μεμλεκετι, εαν κι θα επορι να διμιω-  
ργα κεντι τατινεθι ιντελιγεντςιαν, εαν κι θα καταχτα τιν  
επιστιμιν κε κι θα επορι να κιδερνα το νικοχιριον ςιν θαςιν  
τι επιστιμς. Πρεπ να εγρικατε, ςιντροφι, οτι τα υςλοθςιας τι  
αγονα ατορα διαφορετικα ινε, παρα ςον κερων τι εμφιλιυ  
πολεμ. Σον κερων τι εμφιλιυ πολεμ, επορναμε να επερναμε  
τα ποζιτςιας τι εχθρυ με ορμιν, με τιν ανδριοτιταν, με τιν  
τολμιν με το καθαλαρικον τιν επιθεσιν. Ατορα, ςα υςλοθςιας  
τι ιρινικυ νικοχιριακυ χτιςιματι, με το καθαλαρικον τιν επιθε-  
σιν θα επορναμε μονον να χαλανομε τιν δυλιαν. Ι ορμι κε  
ι ανδριοτιτα χριαςκυνταν ατορα πα αετς, οπος κε πριν.  
Αλα μονον απαν ςιν ορμιν κε ςιν ανδριοτιταν μακρα κι πας  
Για να κρουμε ατορα τον εχθρον, πρεπ να εγρικουμε να χτι-  
ζομε τιν βιομιχανιαν, ταχροτικον το νικοχιριον, το τρανςπορτ  
το εμποριον, πρεπ να ςινιομε το αρχοντικον κε το ιςιλο-  
φρονον φερςιμον ςο εμποριον. Για να χτιζομε, πρεπ να  
εκσερομε, πρεπ να καταχτυμε τιν επιστιμιν, κε για να εκσε-  
ρομε πρεπ να μαθανομε. Να μαθανομε πιζματοδικα κε  
ιπομονιτικα. Να μαθανομε αςολτς — εμ αςι τυςςμαντς εμ  
αςι φιλτς, ιλιαμ αςι τυςςμκντς, Να ςπινκομε τα δοντια κε  
να μαθανομε χωρις να φουμες, οτι ι τυςςμαν θα γελυνεμας,  
θα γελυνε τιν αγρικοςινιανεμυν, τιν καθιςτερςινεμυν. Εμπρο-  
ςταμυν ςτεκ καςτρον. Ονομαςτε ατο το καςτρον επιστιμι με  
τα πολιαριθμα κλαδια τι γνοςιοναθε. Ατο το καςτρον εμς  
πρεπ χωρις, αλο να κιεδοματο. Ατο το καςτρον πρεπ να

κινεσθαιτο η νεολεα, εαν ατε θελ να εν χτιστις τι νευ ζοις, εαν ατε θελ να γινετε πραγματικον σμεναν τι παλευ γβαρτιας.

Εμεις κι πρεπ ατορα να περιοριςκυμες με τιν επεξεργασιαν κομμουνιστικον στελεχιον γενικα πολςσεβικιον στελεχιον γενικα, πυ επορυν να καλατζεβνε για ολα απολιγον. Το τιλετανστωο κε η πανγνωσια ατορα ινε αλισιδας για τεμας. Εμας χριασκυντανεμας ατορα πολςσεβικ-σπετςιαλιστ, σο μεταλον, σιν ιφαντυργιαν, σο καφσιμον τιν ιλιν, σιν χιμιαν σαγροτικον το νικοκιριον, σο τρανσπορτ σο εμποριον, σιν πυχαλτεριαν κ. τ λ., κ. τ. λ.

Εμας χριασκυντανεμας ατορα ολοκληρα ομαδας, εκατονταδες κε χιλιαδες νεα στελεχια ασι πολςσεβικυς, πυ να επορυνε να ινε νικοκιρει τι δουλιας σα πλεον πικιλομορφα κλαδια τι γνωσιον. Χορις ατο μι λεγομε κε για τα αγλιγορα τεμπια τι σοσιαλιστικυ χτισιματι σο μεμλεκετνεμυν. Χορις ατο μι λεγομε, οτι εμεις επορυμε να εφτανομε κε εμπροδιαβενομε τα εμπρολατκα καπιταλιστικα μεμλεκετια.

Το να καταχτυμε τιν τεχνιν, να εβγαλομε νεα στελεχια πολςσεβικυς-σπετςιαλιστυς σολια τα κλαδια τι γνωσιον, να μαθανομε, να μαθανομε να μαθονομε με το πλεον πιζματοδικον τροπον, — αικον εν ατορα το προβλιμαν.


Εκστρατια τι επαναστατικυ νεολεας σιν επιστιμιν — να ντο χριασσκετεμας ατορα, σιντροφι. (Θιελοδικα χιροκρατιματα, φονας — υρα, πραβο. Ολ σκυνταν).

# ΑΣΟΝ ΛΟΓΟΝΑΤ ΣΟ ΠΑΝΣΙΝΔΕΖΜΙ- ΚΟΝ ΣΙΝΕΔΡΙΟΝ ΤΙ ΚΟΛΧΟΖΝΙΚΙΟΝ — ΥΤΑΡΝΙΚΙΟΝ

ΣΑ 19 ΦΕΒΡΥΑΡΙΥ 1933

. . . Διο λογια για τι κομζομολυς κε τι κομζομολκες σα κολχοζια. Ι νεολεα εν τεμετερον το μελον, τεμετερον τομυτ, σιντροφι. Ι νεολεα πρεπ να αντικαταστην εμας τι γερονταδες. Ατο πρεπ να περ κε παι τιν παντερανεμυν ος το νικιφορον το τελος. Αναμεσα σι χορετας ινε οχι ολιγ γερονταδες, επιβαριμεν ασο παλεον το γομαρ, επιβαριμεν ασα σινιθια κε τα αναμνισια για το παλεον τιν ζοιν. Εφκολονοιτον εν, προς ατιν παντα κι κατορθονε να προφτανε το κομαν, το ρεβετικον τιν εκσυσιαν. Αλο εν ι νεολεαμυν. Ατο εν ελεφθερομενον ασο παλεον το γομαρ κε ατο εφκολοτερα χονεβ τα λενινιστικα τα εντολας. Κε ισα-ισα για τατο, το οτι ι νεολεα εφκολοτερα αςολια χονεβ τα λενινιστικα εντολας, ισα-ισα γιατατο ατο προοριςσκετε να οδιγα εμπροστα τι καθιστεριμεντς κε τι ταλαντεβομενυς. Εν αλιθια προς τα γνοσια, ντο εςς κι κανινταν. Αλα τα γνοσια επορυν να αποχτιωνταν. Οσιμερον κινε, αβριον θα ινε. Για τατο το προβλιμαν εν να σπυδαζομε τον λενινιζμον. Σιντροφι κομζομολ κε κομζομολκες! Σπυδαστε τον πολςρεβιζμον κε οδιγεστε εμπροστα τι ταλαντεβομενυς! Κεβεζελεεπστε ολιγον, δυλεπστε παραπαν, κε ι γυλιασυν θα περ κερων χορις αλο. (Χιροκροτιματα).

---



**Редактор Х. КЯЧАЛОВ. Техред Г. МИЛИДИ. Отв. кор. С. МУРАТОВ**

**Изд. № 33. Сдано в набор 20-IV 1933, подп. к печати 4-V 1933 г.  
Ст. ф. Б6. Печ. л. 1,75 (бум. л. 0,875 по 126700 зн). Тираж № 3100**

**Упопкрайлит П-3936. Тип. „Коммунистис“, Ростов н-Д. Заказ №806**

ТІМІ  
ЦЕНА 45к.

В. И. ЛЕНИН И И. В. СТАЛИН

О КОМСОМОЛЕ